

三省邊防備覽

三省邊防備覽

藝文下

淑江巖如煙輯

藝文

鄖竹道中記險

黃暉烈

江以南浙以西自京江迄錢塘七百餘里歷五郡十二縣一葦杭之可臥而至也未有鄖幅之廣大險遠者如以江浙計蓋幾幾跨七郡不止焉鄖之屬邑凡六而竹谿爲最遠因大路陡險問道於徑約而計之自郡城西南行四十里爲大嶺又十五里爲小嶺皆曼衍平迤騎可上下又西二十里爲花果園又二十里爲營倉又五十里爲黃龍灘則竹江之所經也皆平畦坦途安驅可至過灘而轉西四

二十五里爲大峽又二十里爲鮑家店跨澗踰溪不可勝數
幸途不甚險可計程而行自此而上二十里踰河十三里
爲棺木巖其高不過如大小嶺因巖半有洞洞中有石隱
隱若棺故名又四十里越澗數十道爲大垵山山之高下
可二十里於無徑中眇徑僅可容足路出山腰右高左下
一嶺越不可問矣遇霖雨冰雪寸步難移過山五里爲唐
家坪則往來宿處也前後六十里皆無煙火行人度不能
至則止而不前又從簡池中行四十里爲界嶺其險與大
垵畧同此即縣境也入竹山境卽滾子坡坡雖高而徑坦
至坡麓數百仞乃險仄焉坡下爲水坪河行二十里越

二十達至吉陽關高峻頗仄望之又一大徑山矣山行
十里爲交龍嶺以兩山相交故名又二十里爲馬鞍橋下
有峭壁巖橫可五百仞拔地而起倚天而立三面峻絕一
面通山上人避賊時登此以當桃源處也又溪行三十里
爲九里岡自吉陽關下至此凡跨澗九十一道自岡以南
二十里爲寶峯以西十里爲千佛洞路之坦無過此者又
二十里爲縣河舖則綠山上下稍紆折焉過縣河而西始
入竹雞境逾河十里爲磁瓦觀山雖高而其途則坦又二
十里爲水坪山皆有人跡非復大堙諸山之險惡矣水坪
至縣止三十里登山觀之如在履焉自郡至縣凡五百餘

里急行七日可到緩行或至經旬也大約山行則盤空屈曲水行則怪石亂流山行自下而上不敢仰視若懸巖欲墮者然自上而下不敢俯視以目眩心悸首重足輕也循山而行不敢左右視以徑路頗仄高不可攀下不可極瞻顛股慄也山溪無常遇暴雨則望江而歎不可以梁且不能梁也嚴寒則冰雪載塗溽暑則汗流接踵又有虎口之血灑灑於叢篁積石間無鳥翼獸蹄而以父母之身試於不測較之宦遊江浙者奚啻天淵哉爲之計者無五丁之力山不可開矣惟有誅藤伐棘剪蔓除蒿徑之缺者補之斲者續之枯木朽枝頑石之橫梗於道者去之

功亦可以世世頌數十里無居人而行人則惟日不足也
誰爲此不急之舉耶亦第存之以見谿令跋涉之難云爾
興安陞府疏

畢沅

奏爲陝省興漢二屬暨終南山一帶地方險要請改設官屬
以資控制以重稽防事竊照陝西興安直隸州濱臨漢水
背負終南爲秦蜀之關鍵亦荆襄之門戶萬山重疊實係
四塞輿區形勢最爲險要該州管轄平利洵陽白河紫陽
石泉漢陰六縣通計地方四千餘里從前俱係荒山僻壤
土著無多自乾隆三十七八年以後因川楚間有歉收處
所窮民就食前來旋即棲谷依巖開墾度日而河南江西

安徽等處貧民亦多攜帶家室來此認地開荒絡繹不絕是以近年戶口驟增至數十餘萬五方雜處良莠錯居邇來風俗刁悍訟獄繁興命盜案件甲於通省兼有外來無業匪徒因地方僻遠易於匿跡潛踪出沒無定兼之該州向有總兵同城駐劄近復添設重兵號爲鉅鎮兵民交錯庶務殷繁舊設知州一員臣細察情形並與司道等詳加商酌該州品秩稍卑辦理恐形掣肘必須將興安州陞爲興安府改設知府方足以資彈壓至現有之州吏目卽改爲府照磨兼管司獄事務原設州學正改爲府教授訓導改爲府訓導又府城內應設知縣一員卽將州屬之漢陰

縣改爲附府首縣宜興安係古安康郡地應請卽名爲安
康縣將州轄地方歸併管理其原設漢陰縣典史移爲安
康縣典史原設漢陰訓導改爲安康教諭至漢陰舊治在
興安迤西一百八十里未便乏員應另設興安府通判一
員駐劄此地專司捕盜緝匪及查拏地方私販鹽茶私宰
私燒賭博打降等事再興安境內西南磚坪地方距州二
百四十里楚蜀人民雜處實爲要隘此地將來歸併安康
首縣管轄應另設分防縣丞一員又興安所屬紫陽縣西
南之二州壩距縣一百八十里與川省太平縣連界平利
縣東南之鎮坪距縣四百八十里與川省太平大寧等縣

及楚省竹谿縣連界壤境犬牙相錯箐密林深兩地均屬
緊要應於二州埡添設主簿一員卽將西安府知事裁改
移駐鎮坪添設巡檢一員同磚坪所設縣丞俱令專司緝
捕再查漢中府屬之西鄉縣南之大池壩距縣三百里與
川省通江縣連界又褒城縣南之黃官嶺距縣一百三十
里與川省南江縣連界該處俱山路荒僻最易藏奸應請
於大池壩添駐分防縣丞一員黃官嶺添駐巡檢一員俱
令就近盤緝奸匪其黃官嶺之巡檢卽將該縣之青橋驛
驛丞裁汰改移此與安漢中應行改設官屬以資鎮壓防
範之情形也至省城遞南之終南一山綿亘西安鳳興各

府州屬周圍約計數千餘里崇山峻嶺俱係鳥道羊腸
徑阻險先時不過土著居民樵採爲活近年四川湖廣等
省之人陸續前來開墾荒田久而益衆處處俱成村落而
遠方遊手無藉之輩亦借以雜插其間卽如去年川楚喇
匪每有竄入漢興沿山境地擾害村氓雖經堵截嚴拏不
敢再至但溪山重繞煙戶零星距各該本營州縣本城近
則三四百里遠至七八百里不等地方官見聞阻隔難以
防範稽查萬一滋生事端未免往返需時鞭長莫及甚爲
可慮臣再四籌酌必須於山中要害處所添設丞倅等官
分管山內地方就近治理專司防緝事宜方爲妥協查山

以東自咸寧縣之大義峪由藥王堂舊縣關南至興安北境約計七百里而舊縣迤西地名孝義川爲扼要之地應添駐西安府分防同知一員至山以西自長安縣子午谷由江口西南至五郎關直抵漢中府北境約計七百餘里其五郎關爲扼要之地應將西安水利通判改爲西安府分防通判移駐五郎關并照從前漢中府屬鳳縣地方分隸留壩廳之例將山以內向隸咸寧之地方煙戶俱歸移駐之通判管理所有各分管境內凡人命盜竊及一切案件俱令該同知通判審解民賦錢糧亦皆歸劃征解於同知通判各駐劄之地添設巡檢兼管司獄事務各一

員如此則東西南北路聲勢聯絡一切防奸緝匪稽察易
實爲一勞永逸之舉此終南山以內應行添設官員以
鈐轄捕緝之情形也以上改設之知府同知通判縣丞主
簿巡檢等官內查與安州本係繁疲難三項要缺今應仍
爲在外揀選陞調之缺其新首邑之安康縣亦定爲疲繁
難三項要缺與添設同知通判以下各員均定爲要缺在
外揀選陞調以資治理惟查定例地方職官止許改調不
許增添但今陝右各屬惟西安水利通判青橋驛丞及
西安府知事等員可以移駐裁改此外尙缺同知通判各
一員縣丞二員巡檢一員巡檢兼管司獄事二員緣陝右

各屬幅幘最爲遼濶向來丞倅佐雜等官額設無多嗣復節次裁汰移駐新疆是以現在均係緊要地方再無冗員可供裁汰臣仰荷

聖恩簡任巡撫先後十年於地方一切因革事宜隨時悉心體察此事明知有費更張但今昔情形迥然大異而山川扼要形勢阻深不得不爲未雨綢繆之計斷不敢因循拘泥惜有限之費以致異日貽悞地方臣復與督臣李往返札商意見俱屬相同謹合詞恭摺具

奏并繪興漢及南山一帶地圖將各州縣境內要隘處所應行添官駐劄各地方詳細貼說恭呈

御覽伏祈

皇上

睿鑒施行如蒙

俞允所有一應改設移駐官員各事宜容_臣與藩司尙安等另行

詳悉定議

題達辦理合併陳明謹

奏

乾隆四十七年正月

日奉

旨該部議奏當經部議請

旨交該督撫會核酌議具

奏奉

旨依議當經督撫會核酌議覆

奏五月

日奉

旨該部議奏當經吏部等部議准覆

奏九月

日奉

旨依議欽此

部議經畧會奏陝省邊界地方緊要會籌添改文員以資

撫治事宜

議得經畧大臣西安將軍額

等奏稱切照陝省各

路營制既經酌定其文員所管地方如有幅幘遼濶撫治

難周必須量爲變通查漢中府屬西鄉地方袤延千有餘里地廣人稠山深箐密其西南自樓坊坪起至鹽廠關一帶在在與川省太平通江巴州毗連犬牙相錯奸究易藏最爲漢南難治之地向設知縣一員典史一員並分防鹽廠關大巴山巡檢二員大池壩縣丞一員在尋常無事之時地方官遇有相驗踏勘等事一經公出動須十日半月已屬經理難周迨至連年賊匪滋擾又在該縣往來最久蹂躪殆遍地方受害最深閭閻日形凋敝當此大功告成之際尤須加意整飭撫綏舊有各員更屬不敷治理如才等公同酌籌應於漁渡路營地方添設撫民捕盜同知一

員司獄一員其地距西鄉縣城二百九十餘里係通川省
大路一經添設專員所有隣川邊界俱可就近稽查而於
知縣分疆治理於安民緝盜均不致有鞭長莫及之虞又
西路之簡池壩地方距漁渡路營二百二十里與川省通
江鐵溪河兩河口接壤地方甚爲緊要必須添設專員經
理應請卽於該處添設巡檢一員以資稽察又原設鹽廠
關巡檢一員距漁渡路營二百里其地本非扼要且衙署
已被賊焚燒必須另爲移駐查有姚家壩地方距漁渡路
營一百二十餘里與川省通江板橋子竹峪關巴州鍋塘
關連界地甚扼要應請將鹽廠關巡檢移駐彼處卽可與

簡池壩巡檢爲東西犄角之勢於巡緝較爲有裨至漁渡
路旣添設同知足資控馭其附近之大池壩縣丞卽可移
駐五里壩該處距西鄉縣一百五十里距紫陽石泉縣境
毗連可以分理東路巡緝等事所有簡池壩姚家壩巡檢
俱在進南通川之地應卽歸於漁渡路同知管轄其五里
壩縣丞大巴山巡檢仍歸西鄉縣管轄以期各專責成又
興安府屬紫陽縣西南二百二十里路通川境之二州壩
地方於乾隆四十六年奏明添設分防主簿一員專司緝
盜等事所有附近之蘇柳塘毛壩關新灘塘大壩塘權河
塘等五處俱歸該主簿管轄近年以來因賊匪滋擾已將

衙署焚燬舊有居民亦俱遷徙自應另爲移駐查毛壩關
地方亦在縣治西南距縣城一百八十餘里該處煙戶利
密貿易紛紜與四川太平縣境處處可通地方實係緊要
應請將二州垣主簿卽移駐毛壩關以昭嚴密又興安府
屬之平利縣治距府城九十里南北二面俱係崇山形如
釜底登山瞭望城中虛實一目了然且守兵僅止數十
煙戶又復稀少連年賊匪逼近屢次瀕危亟應另爲移駐
查相距縣城九十里之白土關地方亦爲川楚通衢要
商賈往來絡繹居民數倍於縣城該處原設都司現經
才等另摺奏請改駐遊擊並已捐修城堡雉堞崇墻

宏厰應請縣治移駐該處以資撫治又新設寧陝營汛應酌添佐雜等員查洋縣華陽地方已設有參將營制維該處距縣城一百數十里山徑分歧向多川楚客民開荒耕種良莠不齊縣治相隔較遠未能隨時綏緝應卽添設縣丞一員分防巡察又寧陝鎮標應分設四畝地都司營汛該處距廳城較遠稽察難周亦應請添設巡檢一員以資巡緝奴才等因地因時逐加體察不得不會籌變通以期於地方有裨所有應行添建衙署並分管煙戶各事宜容另行核定分晰題達等因前來查定例各省應需人員管理准其於通省內隨時改調不得具奏增添致滋糜費又

各省道府以下各缺該督撫不得妄行更改若因地方今昔情形不同不得不爲變通者准該督撫隨時具奏等語查經畧大臣西安將軍額爾德尼等奏稱陝省各路營制旣經酌定其文員所轄地方如有幅員遼濶撫治難周必須量爲變通查漢中府屬西鄉縣地方袤延千有餘里地廣人稠山深箐密其西南自樓坊坪起至鹽廠關一帶在在與川省太平通江巴州毗連犬牙相錯奸宄易藏最爲漢南難治之地於尋常無事之時已屬經理難周迨至連年賊匪滋擾地方受害最深大功告成之際尤須加意整飭撫綏舊有各員更屬不敷治理應於漁渡路地方添設

撫民捕盜同知一員司獄一員簡池壩地方添設巡檢一員原設鹽廩關巡檢一員應請移駐姚家壩地方其大池壩縣丞即可移駐五里壩所有簡池壩姚家壩巡檢卽歸漁渡路同知管轄五里壩縣丞及大巴山巡檢仍歸西鄉管轄又興安府屬紫陽縣二州壇主簿一員應請移駐毛壩關又平利縣治移駐白土關地方又新設寧陝營汛應酌添佐雜等官查洋縣華陽地方應添設縣丞一員又寧陝鎮標分設四汛地應添設巡檢一員以資巡緝等語查各省地方有今昔情形不同應添設額缺者例應於舊設額缺內裁抵今陝省請添設同知一員縣丞一員司獄一

員巡檢二員並未將舊設額缺裁改與定例不符維陝省
近年以來辦理軍務現據該大臣等聲稱當此大功告成
之際尤須加意整飭撫綏與尋常添設者不同應如所請
漁渡路地方准其添設撫民捕盜同知一員司獄一員簡
池壩地方准其添設巡檢一員原設鹽廳關巡檢一員准
其移駐姚家壩地方大池壩縣丞一員准其移駐五里壩
地方二州壩主簿准其移駐毛壩關地方平利縣治准其
移駐白土關地方洋縣華陽地方准其添設縣丞一員寧
陝鎮標四畝地准其添設巡檢一員俟

命下之日臣部行文該大臣等此次添設員缺較多該省原設丞

等佐雜額數力是否實在無可裁調仍令該大臣等確切
聲明其裁減同知佐雜各官俸薪添建衙署應鑄印信及
倉庫如何酌定繁簡漁渡路同知各缺定爲何名目之
類並一切未盡事宜統俟該大臣等分別題咨各該部核
辦等因嘉慶七年七月十三日奉

旨依議欽此

奏請改漢中鹽課歸地丁摺

方維甸

爲酌籌漢中鹽務事宜仰祈

聖訓事竊陝西鹽務尙在試辦期內本年二月臣與山西巡撫成
會

奏將鳳翔府屬仍照舊制准食花馬大池鹽攤納鹽課銀毋庸設立土商業經戶部議准民請將該地市政使慶鹽法道明轉據漢中府稟稱漢中各屬畱壩定遠本無鹽課南鄭等九州縣額引二萬五千道每年應交鹽課三千七百五十兩設有土商抽鹽辦課而各州縣內洋縣西鄉兩縣鹽法於康熙年間議定由各里攤納課銀並不抽鹽此漢中向來辦理章程也今復設立土商抽鹽辦課漢中本無殷實大商認充者率皆市僧抽鹽抽錢未免貪得無厭卽或公平抽收而肩挑背負之人獲利有限不肯分給他人是以每遇抽課鬪毆口角爭競紛然隨時懲辦不

能盡絕請照鳳翔之例裁去土商於洋縣西鄉一律攤
課銀庶免滋擾等語臣檢齊歷年案卷詳加查核雍正十
一年十月甘肅巡撫題請漢中改食花馬大池鹽斤戶部
議令將如何可以實銷照例截角之處妥議

題復於乾隆元年會同陝甘總督劉於義河東鹽政孫嘉淦
具

題以漢中寫遠不得不賴小販以濟民食實運勢所難行亦
當俯從民便若於課項有虧民食有悞自當責以實運實
銷今既兩無違碍仍照舊空截引角毋庸另議更張經部
題覆奉

旨准行又漢中府屬之洋縣於康熙三十三年該縣士庶公議按
里攤納詳定章程西鄉縣亦卽仿照辦理各在案蓋緣漢
中地處萬山之中僅通負販該處食鹽有自花馬大池由
鳳翔山內運來者有自川甘邊界運來者所設土商向不
持引運鹽皆俟小販到境抽錢抽鹽謂之抽鹽辦課俟課
項交足卽將官引截角繳銷謂之空截引角從前因土商
苛勒小販乾隆二年布政帥念祖等卽有詳請裁商照鳳
翔洋縣攤納課銀之議今旣復設土商則措勒多收之課
在所不免且小販到境不復抽鹽已閱十餘年之久一旦
爲土商坐分其利人情總不貼服此等無業貧民亦有軍

營散出之人性復桀驁若竟絕其生計商販相激恐致釀成事端此實地方隱憂尙不僅販運不前民食貴鹽而已
臣訪詢情形漢中文武軍民所言大抵相同並接據提督楊遇春來信亦稱弁兵巡查地方常見有商販滋鬧處不能相安事關緊要似應亟圖良法等因
臣再四籌思與藩司度 鹽法道明 虛衷商酌漢中鹽法自

國初至今皆係小商並非商運商銷贅設土商徒使累民滋事似應依仿師念祖原議將漢中一府鹽課照洋縣西鄉章程一律攤納並請照鳳翔之例裁去土商永杜壟斷之弊如此辦理尙係遵循舊章並非輕更成法鹽價益賤民情

益安每年交官課銀仍可絲毫無缺實與官民均屬有益
且漢中鹽價貴於興安向不販過西鄉地界於興安行銷
河東鹽斤亦無妨碍至於空截引角原非核實辦法漢中
引數又不在河東額引之內今既裁商亦可停發引張以
歸簡易所有酌籌漢中鹽課緣由謹繕摺

奏請

聖裁伏乞

皇上睿鑒訓示謹

奏

再請漢中鹽課歸地丁摺

方維甸

爲籌議漢中鹽務招覆

奏事竊臣前奏漢中鹽斤攤納課銀一招接准戶部議覆內
開漢中府民食鹽斤攤納課銀固屬因地制宜之道但現
在漢中鹽價貴於興安自不至有越販之弊倘將來產旺
價賤或不免偷入隣境有碍官引且引張原爲行鹽征課
稽查私販而設是有鹽卽應有引今裁去土商不用鹽引
憑何稽查又加按里攤納必須專司催收之人亦難保無
派累閭閻之事應如何定以限制稽查妥善之處令該撫
悉心議奏等因當行司道轉飭漢中府妥議去後茲據藩
司慶保臨法道明信會詳前來臣復面加商酌查行監定

例原應持引運鹽不准鹽引相離以便稽查但漢中鹽務與他處不同土商向不持引運鹽祇係抽收小販鹽斤交課後卽將官引截角繳銷前經陝甘總督劉於義甘肅巡撫許容河東鹽政孫嘉淦於乾隆元年疏稱實運勢所難行仍請空截引角

題明覈准在案是漢中鹽引從不用以行鹽有案可稽卽使虛設引張亦屬無從稽察今旣裁去土商應請停發引張以歸簡易再漢中鹽價貴於興安之故並非由於產鹽多少皆因販鹽道遠成本較重其價不得不昂若自漢中陸運興安大山重疊運本愈增販往無可圖利若由漢江水

運必從黃金峽經過此峽內灘流湍急漩渦甚險重船
不敢行毋虞偷越隣境有碍興安官引至於按里攤納與
正項錢糧無異陝西完納正賦皆係里長等催交此項鹽
課亦一併責成里長鄉約毋庸另派催收之人鳳翔府及
洋縣等處皆係如此辦理現擬於開征之前將各縣攤納
細數列入易知由單並由司出示曉諭務使各里週知吏
胥無從影射自不至有派累閭閻情弊臣因漢中鹽務商
販不能相安恐滋事端是以查照向來例案奏請裁商攤
課茲准部咨復行體察情形悉心妥議可否照臣前奏辦
理之處伏乞

聖上睿鑒

勅部議覆施行謹

奏

川陝楚老林情形亟宜區處

卓秉恬

爲敬陳川陝楚老林情形亟宜區處仰祈

聖鑒事竊惟普天同化雖犬牙相錯之地原無畛域之分而無
業貧民當烏合成羣之時每多嘯聚之患此川陝楚之老
林不可不早爲區畫而棚民不可不妥爲撫綏者也蓋自
陝西之畧陽鳳縣迤邐而東經寶雞郿縣盤屋洋縣寧強
孝義鎮安山陽洵陽至湖北之鄖西中間高山深谷千枝

萬派統謂之南山老林由陝西之寧羌褒城迤邐而東經
四川之南江通江巴州太平大寧開縣奉節巫山陝西之
紫陽安康平利至湖北之竹山竹谿房縣興山保康中間
高山深谷千巒萬壑統謂之巴山老林老林之中其地遶
濶其所產鐵礦竹箭木耳石菌其所宜包穀蕎麥燕麥而
山川險阻地土磽瘠故徭糧極微客民給地主錢數千卽
可租種數溝數畝江廣黔楚川陝之無業者僑寓其中以
數百萬計依親傍友墾荒種地架數椽棲身歲薄不收則
徙去斯謂之棚民其種地之外多資木廂鹽井鐵廠紙廠
煤廠傭工爲生此皆仰賴

聖天子育養黎庶而地不愛寶者也顧人聚既多則良莠莫辨
不安本分者時有攫竊之行必年穀豐登糧價平賤各處
傭工庶幾尙有生計倘遇旱澇之時糧價昂貴則傭作無
資一二奸民倡之以喫大戶爲名而蟻附蜂起無所畏忌
山內州縣大者週圍一二千里小亦常五六百里地方遼
濶耳目難周遇有事必數日聞報數日始至其處非糾結
爲匪難以輕動卽剽竊遠颺莫可追捕故居恒互相隱諱
浸假而成大案迨以踈防參劾事已無濟且省各有界賦
或踰境而免官難越境而謀各處距會城遠者二三千里
近者千數百里不請命則專請命則緩不及事况事連三

省大吏咨商往返州縣奉飭恒在數月後臣愚謂老林區
畫之策不能卽一隅而專謀之必當合三省而共議之似
須於扼要之地專設大員控制如現在福建之臺灣廣東
之雷瓊皆專設守道又如湖南之鳳凰永綏等廳則以辰
沅永靖道駐紮其地專理苗疆雖棚民之性情與苗疆不
同而老林之險隘實要害所在查現在有苗地方旣以土
司土目撫綏於下又以府廳州縣統治於上而又設道員
大吏鎮壓之至棚民於各縣山險之地或聚或散或徙或
居若鳥獸之無羈縛者雖陝西之陝安道四川之川東道
湖北之安襄鄖荆道未嘗不分轄其地而任分則事難專

一界分則官得推諉查鄖陽地方明季曾設撫治大員嗣經裁撤想彼時人煙稀少因時制宜而然今我

國家休養生息垂二百年生齒日以繁荒蕪日以闢故凡有山厓可以營生之處勢難禁其聚集若不妥爲措置必致日久生事此既辦綏靖地方之策亦非宇養生民之道况卽鄖陽一府而論幅員之廣幾與安徽一省埒今僅設六縣以治之惟恐有鞭長莫及之慮鄖陽如此而川陝有老林林之州縣亦可概見伏祈

敕下三省督撫確勘情形詳核時勢應如何變通之處會同區畫妥善辦理庶老林皆樂土而棚民悉安業矣爲此奏

聞伏乞

皇上聖鑒

籌辦川陝楚老林情形會商確勘緣由

爲遵

旨籌辦川陝楚老林情形謹將會商確勘緣由先行恭摺奏

聞仰祈

聖鑒事竊臣等承准軍機大臣字寄欽奉

上諭卓秉恬奏川陝楚老林地連三省無業之民僑寓其中易

致滋事宜如何彈壓撫綏之處著蔣 朱 毓 確勘

情形悉心籌畫會同定議具奏欽此臣蔣 於正月二

十八日行抵西安與臣朱 悉心會商查四川之保寧綏
定夔州三府界連陝西之漢中興安兩府所屬地方陸步
皆山向多外來客民墾種山地五方雜處良莠不齊近年
以來老林日漸開墾煙戶倍增其開墾成熟之客民均已
編入保甲市經開墾之老林客民零星散處不能編成保
甲之戶卽責成地主約束稽查惟該州縣所轄地方自數
百里至千餘里不等路險山深實有耳目難周之勢臣等
悉心籌畫自應於兩省交界州縣相距較遠之處添設文
員以資治理庶查察易周而聲勢可期聯絡其邊界地方
必須查勘明確方可會商定議查興安府爲三省邊界適

中之地臣朱於接奉

諭旨後查新任陝安道嚴如煜歷練老成於南山情形最爲熟

悉已札飭該道前往邊界查勘臣蔣回任後卽派委

員隨同該道將川省邊境逐處確查並飭該道於查勘事

畢卽在興安暫住臣等已知會湖北撫臣毓飭知委勘

情形之郎陽府知府倪汝燁竹山縣知縣范繼昌前赴興

安會繪全圖酌擬章程臣等再行會同臣毓斟酌定議

具

奏謹將會商緣由先行恭摺奏

聞伏乞

三
皇上聖鑒

查勘川陝楚老林情形會同酌議添改廳治營汛以資彈

壓撫綏

爲進

旨查勘川陝楚老林情形會同酌議添改廳治營汛以資彈壓

撫綏卽祈

聖鑒事竊臣等前奉

上諭卓秉恬奏川陝楚老林地連三省無業之民僑寓其中易

致滋事宜如何彈壓撫綏之處著蔣

朱

毓

確

情形悉心籌畫會同具奏欽此

臣蔣

陛見回任行抵西安與臣朱悉心會商以陝安道嚴如煜

練老成於南山情形最爲熟悉飭委該道前往邊界查勘
一面知會臣毓飭令楚省委員鄖陽府知府倪汝燁竹
山縣知縣范繼昌並川省委員保寧府知府徐雙桂忠州
知州李紹祖等各將邊境逐處確勘於查勘事竣齊赴適
中之興安府地方會繪全圖酌議章程臣等再行會商斟
酌定議當經先行恭摺奏

聞在案旋據陝安道嚴如煜督同各委員將查勘情形繪圖貼
說酌議章程具稟核辦臣等各批令藩臬兩司詳細核議
茲據該司等具詳前來臣等伏查陝西之漢中興安二府

界連四川之保寧綏定夔州三府其湖北之鄖陽府則與陝西之興安商州四川之大寧巫山接壤該府等所屬地方均在萬山之中幅輒遼濶綿亘數千餘里節年以來老林開墾日廣外來客民戶口日增五方雜處訟獄繁多且風俗剝悍山深路險最易藏奸全在地方官撫治得宜始足以彈壓撫綏茲據陝安道等勘明川陝楚三省連界之太平平利安康竹谿等縣均相距在千里以外其間層巒疊嶂實爲稽察難周自應於交界州縣相距寫遠扼要之處添設文員以資治理庶查察易周聲勢可期聯絡其川省邊境營汛亦須酌量改移俾足以專巡防而臻嚴密

等悉心籌酌因地制宜各就通省情形量爲改移裁抵
將所議各條另繕清單恭呈

御覽如蒙

俞允應須移建衙署應鑄印信及分疆撥界一切未盡事宜容
俟照例分別

題咨辦理所有臣等會議緣由謹會同陝甘督臣長 兩湖
督臣陳 恭摺具

奏並將三省交界地方繪具輿圖恭呈

御覽伏祈

皇上聖鑒

三省邊防備覽

卷一

一陝西邊境應改設文員以資治理也查陝西興安府屬之安康縣所管地方跬步皆山幅輒遼濶地方官查察難周該縣迤南之磚坪營與四川太平廳城口營連界中間大界嶺陽泗巖南天門兩扇門等處未開老林袤長三四百里地極險要原設磚坪縣丞一員不足以資治理應改設撫民通判一員並設巡檢一員兼管司獄事務其地距安康縣二百四十里係通川省要路添設廳治自磚坪以南直至隣川邊界俱歸通判管理俾資彈壓與知縣分疆治理庶不致有鞭長莫及之虞查有鳳翔府通判與該府同城事務甚簡可以裁抵改爲磚坪撫民通判該處界連川

省地方緊要應請照孝義守陝畱壩定遠等廳邊俸之例
定爲在外題調要缺五年俸滿保題陝省繁缺現在無可
改簡並請免其裁繁改抵其應需巡檢一員查畱壩廳南
星巡檢係屬閒曹應卽以該巡檢裁汰改爲磚坪巡檢兼
管司獄事務其舊設磚坪縣丞一員查漢中府屬之黑河
棧壩一帶綿亘數百里山大林深地甚險要應將磚坪縣
丞移駐黑河適中之畧陽觀音寺改爲畧陽縣丞專司巡
緝以昭嚴密又西安府屬之盤屋縣所管山內地方西南
至洋縣六百里山深路險且木廂最多匠作傭工之人不
下數萬偶值歲歉停工易滋事端縣治相距寫遠實屬稽

察難周查盤洋交界之教場壩地方適中扼要應於該處添設縣丞一員以資撫治查有同州府屬之華陰縣縣丞事務甚簡應卽裁抵改爲盤洋縣丞歸於西安府考覈又陝安道漢中府二缺本係選缺嘉慶五年因該道府員缺緊要

奏准改爲衝繁疲難在外題調之缺嗣經部議以選缺道府例不准改爲題調將該道府改爲請

旨簡放查陝安道統轄漢中興安二府地處南山界連川楚近年老林間繯日廣外來客民戶口日增五方雜處訟獄繁多民刁俗悍今昔情形迥不相同道府有控制撫綏之責

以收實效應請將陝安道漢中府二缺均仍改爲在外題
調於南山地方實有神益

一川省邊境應改設文武員弁以期撫綏彈壓咸臻周密也
查川省之太平廳同知所管地方周圍三千餘里幅輳本
屬遼濶該廳從前原係縣治於嘉慶六年改縣爲廳將城
口主簿改爲經歷並設都司營分同駐城口今察看情形
城口營距廳城三百八十里界連陝省地方緊要原設經
歷一員不足以資撫治應請將太平廳同知並訓導照磨
各一員移駐城口卽將城口經歷所管地方劃歸管理作

爲城口廳同知照陝西孝義定遠等廳邊俸之例定爲題
缺五年俸滿保題卽陞其設城口經歷移駐高觀寺場分
防彈壓仍定爲繁缺歸城口同知管轄至太平廳旣已移
駐城口則太平廳原管地方應仍復爲太平縣設立知縣
典史訓導各一員以資經理查知縣典史川省無可裁汰
應請添設其訓導一缺查有叙州府屬之筠連縣訓導堪
以裁抵移駐並查巴州所管之鍋團園秋波梁等處瀘江
縣屬之竹峪關黃鍾堡等處均與太平縣相近應改隸太
平縣管轄將該縣亦定爲題缺五年俸滿保題卽陞所有
城口同知太平縣知縣均歸綏定府屬管轄又南江縣界

連陝省南鄭褒城道路綿長中隔老林稽查非易應改爲
題缺五年保題俾得擇人而治以收實效至太平廳同知
高觀寺經歷本係繁缺均無庸裁繁抵簡惟南江縣並添
設之太平縣二缺既定爲繁缺在外題陞例應裁繁改抵
但川省繁缺本少無可酌改應請免其裁抵再巫山營屬
之大昌汛地方係通湖北房縣竹谿要路本係守備營分
因添設營制案內改爲千總駐劄應請復設守備歸夔州
協管轄以大壩營推缺守備裁抵改爲在外題補以資控
馭又通江縣屬之竹峪關旣改歸太平縣管轄應由太平
營派撥千總一員兵六十名前往分防其通江營原派駐

防竹峪關汛弁兵應撤回通江營以昭畫一

一湖北邊境應改設文員以資治理也查楚省鄖陽府屬之房縣竹山竹谿三縣與四川之大寧巫山陝西之平利連界相距各縣治均在五六百里以外中間高山深谷客民雜處最易藏奸縣治相距遙遠地方官實屬稽察難周今察看情形竹山之白河口爲適中扼要之地必須於該處添設撫民同知一員並設學官照磨各一員以資治理查有德安府通判與該府同城政務甚簡應請將該通判裁汰改爲白河口撫民同知定爲題缺五年俸滿保題卽將德安府司獄改爲白河口撫民同知照磨兼管司獄事務

其應需學官一員查保康縣向設教諭訓導二員應將該
訓導裁撤改爲白河口同知訓導以資訓迪又竹谿縣之
豐溪地方房縣之搏磨坪地方均係邊境扼要之區應於
該二處各設巡檢一員專司巡緝以昭嚴密查有宜昌府
司獄可以改爲豐溪巡檢房縣之板橋巡檢可以移駐搏
磨坪改爲搏磨坪巡檢並將房縣九道梁巡檢統歸新設
之白河口同知管轄所有德安宜昌二府司獄既經裁移
改爲巡檢其該府司獄事務應歸該府經歷管轄又竹山
竹谿二縣均係廼缺惟該二縣界連川陝最爲難治應請
將該二縣均改爲邊缺五年俸滿保題又安襄鄖荆道係

請

旨之缺鄖陽府係部選之缺查安襄鄖荆道統轄三府一州界連川陝豫三省幅幘甚爲遼濶且鄖陽邊界老林前已添設營汛今又議設廳治稽查官吏撫輯兵民必須熟悉風土人情之員方足以資彈壓撫綏鄖陽府所轄六縣地俱寬廣訟獄繁多亦須精明幹練熟諳民情之員以資彈壓得力應請將安襄鄖荆道鄖陽府知府二缺均改爲在外題調之缺俾得擇人而治以收實效至鄖陽府旣改爲繁缺在外題調例應裁繁改抵但湖北省知府內並無題調缺分無可酌改應請添設無庸裁抵

添設廣元巴州綿州三營摺

蔣攸銘

爲營制今昔異宜籌議添設裁撥以重防守而資控制恭摺奏請

聖鑒事竊照川省自平定金川以後歷次籌議營制分別撥改增添邊防已稱周密惟川北沿邊一帶地方遼濶民俗囂浮情形尤關緊要其間如廣元一縣爲入川首站界連陝甘兩省從前原係將川北鎮標右營守備移駐其地嗣於平定金川案內裁歸新疆計自成都至該縣通衢千里之遙沿途雖設有汛防並無都守營分而該管之川北鎮標營相距較遠或數百里或百餘里不等其駐紮廣元縣屬

黃楊堡之守備一員距縣城亦有一百五十里衝途要地無一大員駐紮營分原不足以昭慎重卽巴州一處在川北鎮駐紮之東北地則袤亘數千里界則毗連陝境山深箐密最易藏奸向係通巴營派撥弁兵在彼防守地廣兵單亦不足以資彈壓據川北鎮總兵桂涵稟請於各該處添安營制前來臣等查安營設官撥汛抽兵之事必須斟酌盡善彼此咸宜不致畸輕畸重其兵丁之餉乾米折各官之養廉公費亦須通盤籌畫於經費無短絀之處方可行之久遠而無弊當行藩臬兩司查議復又會同悉心商酌查廣元爲入川門戶自廣元至省綿州爲適中之地應

於廣元縣城內添安遊擊營分設遊擊一員守備一員千總二員把總四員外委五員額外二員安兵六百名並於綿州城內添設都司營分設都司一員千總一員把總三員外委四員額外二員安兵三百八十名以聯聲勢其巴州一處亦應請添設遊擊營分設遊擊一員守備一員千總二員把總二員外委二員額外二員安兵四百五十名並將駐紮通江縣屬之通巴營守備一營改爲通江營亦歸巴州營遊擊兼轄則界連陝省之通巴南江一帶彈壓巡防更可期其得力惟新添各營所管地方原有各標營撥出弁兵在彼分防如概歸新設營分管轄則各本標

營兵力較單恐不敷差操之用若全行撤回各本標營則
汛地已經分出存營兵數又覺稍多自應酌量情形分別
撤回其新營不敷兵數並添設將弁在於通省各營內該
計擇其今昔不同地方不甚緊要之處抽移添設以免多
糜經費查省城軍標二營督標三營提標則中左右前四
營應請將提標前營一營裁去將原設都司一員守備一
員千總二員把總四員外委六員並抽兵一百六十五名
分撥新營餘兵添入中左右三營管領又懋功協屬五營
向定兵額本較他營過多該處番情久已寧貼無須重兵
駐防其協屬之崇化一營係遊擊營分汛防甚少界連

各土司亦均極安靜只須改設都司營分足資彈壓應請
將崇化營遊擊一員守備一員撤出並於協屬內酌抽千
總二員把總三員外委四員額外四員兵六百一名一並
分撥新營所有新安綿州營都司一員卽以裁撤之提標
前營都司移駐均作爲推缺歸於提標管轄將城守營派
防之德陽綿竹安縣三汛把總二員外委一員兵九十五
名撥歸該營管轄其潼綿營原派分防之綿州羅江魏城
三汛並川北鎮標原派分防之梓潼汛各弁兵一並撤回
各原營撥防將各該汛地卽歸綿州營管轄由該營另派
弁兵防守又新設巴州營遊擊守備各一員卽以崇化營

遊擊守備移駐均作爲題缺歸於川北鎮統轄所有川北鎮原派分防之南江儀隴兩汛弁兵撤回各本營將汛地歸於巴州營管轄由該營另派弁兵分防其原駐巴州汛弁兵亦撤回通江本營改撥通江縣屬之竹峪關汛將竹峪關原有弁兵撤回綏定太平各本協營差操至崇化營應行改設都司查有提標永寧營屬之大壩營都司所管汛地甚少地方亦極安靜應請將大壩營都司一員移駐改爲崇化營都司仍作爲新疆調缺其大壩營卽以提標前營守備移駐改爲大壩營守備仍作爲推缺又廣元地方旣已改設遊擊營分其縣屬向設之黃楊堡守備一員

卽可裁撤將原設守備一員千總一員把總一員外委二員額外二員兵二百三十七名均歸廣元營管轄所有守備一員卽移駐廣元作爲該營中軍守備惟應設遊擊一員通省無可裁抵應請增添與中軍守備均作爲題缺仍歸川北鎮統轄其川北鎮標原派分防之廣元昭化兩縣各汛兵二百五十名卽歸廣元營管轄所有原駐該兩縣千把等官並分防劍州地方弁兵俱撤回川北各本營差操由廣元營另派弁兵防守又潼綿營都司係駐紮潼川府城管轄潼川府綿州兩屬汛地今綿州旣設專營則潼綿營應改爲潼川營原派分防綿州屬弁兵均卽撤回其

川北鎮標原派分防樂至安岳遂寧三汛弁兵亦撤回鎮標差操將各該汛地歸潼川營管轄由該營另派弁兵分防仍隸川北鎮統轄所有該營原有兵額操防足數應用惟汛弁不敷分防應撥添把總一員以上應設各官兵除酌西原防弁兵並於提標等營抽撥抵數外計應添遊擊一員兵八十三名多餘外委二員撥歸軍標差遣查新設各營每兵百名應以馬一步二守七安設除酌舊城守川北鎮標及黃楊堡等營兵數不計外所有提標兵額餉乾每百名係以馬一步二守七支給懋功協五營係以馬二步三守六支給應請照原額撤出以馬一步二守七改設

支給並添募不敷兵八十三名外計餘出餉乾銀七兩二錢又米折一項各營多寡不同除存留黃楊堡五郎寬濶三汛弁兵一百一十二名應得米折仍照原數支給並所撥川北鎮標兵二百五十名亦照原定米折支給不計外其餘各按裁撤兵數米折核算共裁米折銀八千三百三十八兩五錢三分六釐查新設各營所得米折亦應按照各該處情形分別酌議廣元綿州二營照川北鎮標之例每斗給銀九分五釐巴州地處偏隅糧價本貴酌中定議每斗給銀一錢六分四釐共應給銀四千八百三十八兩四錢三分六釐又撥入軍標外委二員應得米折亦以每

斗九分五釐支給應給銀六兩八錢四分總共應給米折銀四千八百四十五兩二錢七分六釐計餘出米折銀三千四百九十三兩二銀六分又通省各營官弁應得俸薪蔬燭紙紅馬乾均係按品支給惟養廉一項因懋功協五營遠在新疆初設之時較別營支額加增今旣移駐新設各營應照腹地各營一律議給計餘出養廉銀三百九十一兩又公費一項向係按照兵額酌量支給今新設各營由各標營裁撥前往其所需公費亦應於裁兵各營內均攤撥共撥出公費銀一千四百七兩二錢合計撥出公費及餘出養廉米折餉乾共計銀五千二百九十七兩

錢六分查廣元營兵額稍多又係衝途差繁每年擬給公費銀七百兩綿州營亦屬衝途每年擬給公費銀四百四十兩巴州亦係遊擊營分且地居險要每年擬給公費銀五百五十兩又增添廣元營遊擊一員應給養廉銀四百兩俸薪蔬燭紙紅馬乾等項銀二百九十二兩五錢三分六釐大埔營都司原定養廉銀二百六十兩今移駐崇化營應照懋功協都司之例加給養廉銀八十兩總計應給公費並增設遊擊分例加添都司養廉共銀二千四百六十二兩五錢三分六釐計實餘出銀二千八百三十五兩一錢二分四釐查省標各營除撥出外共存兵六千五百

二十二名又潼川營兵三百二十三名向定米折每斗均
係八分五釐以通省各營米折比較惟省標及潼川營景
少各兵買食實有不敷應請每斗加銀一分共加銀二千
四百六十四兩二錢在於前項餘銀內撥給加增外尚多
餘銀三百七十兩九錢二分四釐每年即可歸入節省項
下報部至於各營應抽兵數若卽於現在存營兵內撥往
該兵等各有家室遠道遷移諸多不便應請定以一年之
限令各該標營凡遇兵糧缺出卽行停補具報扣除令新
設營分陸續招募其提標應抽各兵前赴綿州道路尚不
遙遠如有願赴新營者聽似此通融辦理庶兵心稱便兵

額亦不致久懸統計裁撤分撥之外提標存兵一千七百七十名查該標中左右三營原只各有兵四百八十五名今以前營裁撤酌留之兵均勻添撥計每營添兵一百七名川北鎮標三營雖將原駐廣元昭化二汛之兵撥歸廣元營管轄但已將劍州等七汛之兵撤回本標差操計存標兵一千一百六十七名較之從前存標兵數計多餘二百七十名更屬有盈無絀其城守及懋功等營雖亦分別撥出弁兵然與通省營分較核尚屬敷餘於差操不致缺誤如此量爲增改於經費不必議加於原設各標營兵力亦不形減少而自廣元以致省會及巴州通江一帶遼濶

地方均有重兵分駐犄角相維處處聲息相通毗連陝省邊界足資控制於營制似更爲周密至衙署有應行增添者有應行變價移造者其兵房如係移駐必須修給若就近招募土著即可無須修建此外如新設改駐各員須另給關防鈴記並各汛地弁兵或尚有應須改撥之處以及一切未盡事宜統俟奉

旨俞允後再行次第分別

題咨辦理除將新安營分應設將弁兵額分別裁抵增添及裁出官兵養廉餉乾米折公費各就地方情形核計支給銀數另造清冊咨部查核外謹合詞繕摺具

奏

秦豫兩省道員等官會巡聯界山場文

張學林

本道查得豫省西南伏牛一山蜿蜒數百里峻嶺插雲疊嶂層巒綿連秦楚其間巨川大壑幽深阻僻多人跡罕經前明之末爲逋逃淵藪外間竟罔聞知後一橫逸四出遂至蔓延而不可制我

朝底定以來百年享太平之福固久已山無伏莽然安不忘危綢繆未雨且邇歲伊陽一案雖疥癬小疾而見微知著自應先事預防荷蒙憲臺奏請會巡仰見事燭幾先保泰敦寧至意本道忝任分巡綏靖地方尤爲專責敢不逾切兢兢去冬調任之初一到屬內山川隘口險易遠近情形

並各礦洞禁閉處所備細行查今春巡歷所至審察羣山
支幹向背形勢更逐處留心諮訪頃奉憲行飛檄轉飭去
後猶慮各屬縣有不能領會開呈明晰扼要者又經切札
指示照例登答茲據陸續開送前來稽之往牒參以人言
亦頗悉其大槩屬內各縣山場止與本道屬內相連不與
外屬連界者本道無庸會巡除將各縣應如何會巡各該
管府州應如何會巡本道巡歷至彼就便如何查察之處
酌定章程另詳呈請核批飭遵又河南府屬內之高縣陝
州屬內之盧氏汝州屬內之魯山與南陽府屬內之內鄉
南召等處接壤甚爲綿邈固本道應與汝南道會巡前

奉文之初卽先關移汝南道轉飭會查未據關覆茲會
關呈復又指定處所再行關請俟復查畫一再行會詳請
奪外至於秦省聯界者則有陝屬之閬鄉盧氏二縣閬與
潼關係屬往來孔道其連接山場亦不高深又人民稠密
保甲現行無庸置議其西南有禁峪太峪二口可通陝西
華陰雒南俱係行走大路並非深邃且設有本省汛防駐
守亦無庸巡會惟盧氏之正西距縣一百四十五里與陝
西商州之雒南縣交界界內之百盤嶺野馬嶺閬王礪野
牛嶺在在皆崎嶇險阻應用巡查交界之嶺脊名雙土地
廟曠無人煙難以住宿嶺東十里盧氏地方地名蘭草有

散居民人數家可暫傍居宿本道擬駐足於此嶺西七里
雒邑境內有真人溝亦堪秦省道員駐宿先相關訂翌早
登嶺即可而會商酌一切事宜又盧氏之西南二百五十
里與陝西商州之雒南縣交界由縣治一百三十五里至
朱陽關爲今移駐州判之處雖屬崎嶇猶爲人所常行之
境由朱陽關至耿家店二十五里多須步行由耿家店至
栗子坪龍泉坪四十里間有步難行者由龍泉坪至牌樓
溝交界五十里則高陡險峻並無居民界西二十里訪聞
地名老莊係陝西商南縣地方險亦相似老莊之西則不
能悉旣籌我所能往亦須籌彼所能來今擬本道或住宿

耿家店或住宿粟子坪只可支帳房棲止秦省請令自酌
擬住宿之處遣一介遙相關會此等僻阻之處奸匪最易
潛跡搜捕尤宜曲盡查各處有山居銃手平日以逐獵爲
生習慣自然攀陟猶非所苦擬各募招二三十人捐給飯
食火藥督以少健丁壯令向各山要口遍處搜尋或有藏
伏之奸自無能遁再者兩道每年止能會巡一次或令兩
縣每年亦會巡一次該管兩州每年亦各會巡一次兩縣
武汛員各會巡一次其兼轄統轄官亦各會巡一次則一
年有五六次之會巡其於防緝之道更爲嚴密至會巡之
期夏月草木叢密且恐山水暴發阻絕難以深入冬寒冰

雪亦凍滑難行惟二三四八九十月爲宜緣奉飭議事宜
是否有當仰祈憲臺核酌咨移秦省督撫兩院憲轉飭查議
關訂遵行

會查伏牛山詳文

伏牛一山起自盧氏之西北一百一十里與陝西雒南縣
毗連山盧氏三百里至嵩縣九十里至伊陽伊陽至魯山
一百八十里魯山至南召九十里南召至南陽九十里至
鐵牛廟而止此山西北而東南斜長八百里也豫之南界
山浙川縣西至陝西商南縣百餘里南至湖廣均州八
十里南山浙川起北至永寧縣止斜寬約有三百餘里

連三省地接嵩縣伊陽魯山南召鎮平內鄉淅川盧氏永
寧九縣犬牙相錯峯嵐環抱此山之寬長大概也自嵩縣
西行入山山行南至黑峪溝孫家店等處遂東入伊陽界
又東南山行至魯山界又東南入南召界接南陽遂出
山山鎮平而西斜穿至內鄉復深入山中至淅川西北行
歷三關抵盧氏至永寧而止凡所過之地隨筆登記蓋各
縣之山脉絡相連而山勢險惡嵩縣爲最勘得孫家店一
區在層巒疊嶂之中川長數十里寬二三里不等水田平
地百餘頃兩山大木林立砍木拾木耳者衆多居民散處
百餘家北距嵩縣二百餘里南至內鄉二百餘里老君伏

三
牛一大山橫隔於前伏牛山之陽老君山之陰六月尚有
積雪正南無路可通西至盧氏二百餘里正東去魯山三
百里由深溝通各縣之路甚多最爲扼要之衝私鹽奸匪
出沒必由之境宜設大員以資彈壓至嵩之犬章一鎮人
煙稠密山路可通宜陽永寧黑峪一村由藥川而抵盧氏
距孫家店俱七八十里各宜添汛以相接應過鳳樓離孫
家店四五十里爲嵩伊魯三縣交界之區此四處皆在嵩
者也至伊陽之十八盤乃伊陽入山之要路魯山之分水
嶺入迴龍溝係南召伊陽嵩縣之三岔要口魯山之款爲
嶺乃由魯山赴南召嵩縣行人必山之岔路明季曾設巡

司今宜添設汛兵南召之山廻龍溝口地名曰土地廟爲
防南召魯山嵩縣四處出入之要衝亦宜設汛防守其
在盧氏添汛者二一日朱陽關乃西入陝西商南之門戶
雖有朱陽巡檢一員實居縣東之藥川鎮亦係要路但離
朱陽關一百七十八里一日三川店在朱陽藥川之中二
處設汛則聲氣可通至華陽關入豫之路有二條兵駐關
口二路俱可並查後汛兵移至西坪以圖人多聚居雖相
去止五六里許然止能查路一條似應復駐關口魯山趙
家村新設之巡檢尙未建署今暫居寬布口村中俱非四
通之衝或移之下湯或於下湯添汛庶爲妥協就山之全

形論之西南通湖廣者曰荊子關係浙川地正西通陝西
者曰華陽關亦係浙川地現有汛兵西北通陝西者曰朱
陽關係盧氏縣地今設汛兵則三關並列相去俱一百二
十里孫家店之南老君伏牛二山重隔於前以分南北高
峯插天竇爲諸山之祖山南之巡檢在西曰硤口司屬內
鄉在東曰李青店屬南召山北之巡司在西曰朱陽司屬
盧氏在東曰趙家村屬魯山今若於孫家店添設大員以
浙川之通知分統各屬於南北使其每月會哨西會哨東
內盧運界之處東會哨於南魯接壤之區二大員復每季
一巡一會操演民壯練習弓兵以表率之汛兵之會亦如

諸此夫三閩立則外匪無山而入稽察勤則內匪不
藏大小相維文武協力其於稽防奸究之法實有裨益
查各山之荒地易墾者俱已開墾成熟間有未墾皆山坡
瘠土樹多石大墾之似屬無益山中除河扒大石之外樹
木陰翳肥草甚少且猪羊等畜懼引虎狼以故山民不收
其利滿山樹木皆無樵採然離城市寫遠售賣無人難資
生理以上情形俱係卑職等親歷其境謹會同據實詳覆
奏行紀程

陳明申

自定遠白廟塘上滾龍坡入川境三十里梨樹溪爲赴太
平山口總路居民二三十家小場落由此入東北山溝溪

石堆磊詢諸土人云夏秋山溪水漲人不能行須度山起嶺攀援而過行旅苦之二十餘里至出水洞山下有石洞二處水從洞中流出兩山夾峙山溝曲折山勢陡削最爲扼險再二十里上橫山子山坡西陀東陡環曲而下卽深洞子再行山溝亂石中三十里至大竹河商賈聚集爲太平通水程之所河自東而西可行船山內所產藥材茶葉由此順流而下至陝西紫陽任河口計程三百六十里合漢江直達襄樊襄樊花布等貨沂流至此起旱運發各處東北三十里晏塘坪從山徑上十餘里下坡曰鷄公灘其坡陡峻直下十五里浮沙亂石難著足下坡渡河河爲大

竹河上游上陡坡十五里名梨兒壩過壩爲三灣有三
灣三小灣之目山腰礪路寬不及尺多浮沙下臨懸巖中
灣處尤難轉折較鷄公灘之山高坡陡尤爲險峻三十餘
里至坪壩山民聚處爲場集由此上下兩山三十五里名
半壁街再陟一山下坡出溝卽小河口距城口營十里山
勢平衍山下稻田千畝城口舊名渡口場土城周二里許
南門外爲復興場北門外爲太和場民趕場貿易自入川
境山勢尖聳不似秦山平峭少陵詩萬點蜀山尖信然
由梨樹溪十五里至官渡灣沿山行路漸平坦過官渡灣
行河灘中碎石磷磷溪流灩灩兩山相對中寬二三丈石

壁峭立山樹懸巖而生杜鵑花紅映山谷二十里至峽河口山勢頓開中多平曠再十里抵太平廳太平舊縣治嘉慶七年改廳土城設東北二門城內外居民四五百家出太平城迤東五六里上坡名東關上建關祀關帝下坡山漸平隨沿山墾水田引溪流澆灌紆迴二十餘里石馬河由河灘度山礪行十數里下山卽白沙河乃太平場邊築處白沙河發源八臺山過河行河灘里許由山礪上十餘里名棚欄子坡頂名王營下坡爲王溪河坡甚巘兀二十里至瓦店子山勢一開四山圍抱坡平地濶坡下六田數頃沿畦葺屋山水明秀竹木參差又十里至舊院

亦一場集再二十里過一山名雙石子下山渡龍潭河
由白芷山發源至此經井溪壩西出固軍壩入東鄉境
龍潭河過渡遙南而行山勢蜿蜒溪流潺湲行山礪河
中樹林蔚蔚坡下茶樹叢生居民採焙而售歷十里至井
溪壩山民趕場處出井溪壩度紅巖子石磴盤旋十餘里
至山巔幽險不似鷄公灘而高峻紆折過之迴望白雲橫
山腰縷縷如絮再五里至凉水井入東鄉境山漸陂陀綠
礪下十里冷風槽乃東鄉村落二十里渡河名渡口巖亦
一場市其河由明通井觀音巖直流而下至此水勢漸大
可施舟楫由渡口巖緣山上山不甚高二十五里至桑樹

坪二十五里梅子關入開縣境自紅巖子而下山勢漸坦
山下皆稻田高下參差梅子關二十餘里上關口坪度山
垭逶迤而下石磴層疊十五里榨井壩人煙聚集每逢三
五八日於此趕場出榨井壩涉河灘上坡越兩山至譚家
壩山逾寬坡逾平麥隴稻塍依山坡而闢兼種雜糧菸葉
土脉肥沃再十五里過土龍洞豁然開朗十里名馬家河
爲溫湯井鹽出總路舖戶百餘家儼然成市自土門洞車
行一路皆稻田山場平行沿江竹林葱蔚氣候暄和時未
立夏已割麥插秧至譚家壩通水道其河自雪泡山靈官
廟發源山此南下開縣馬家溝行十里度山而下卽溫湯

井爲產鹽之所東西兩山相對中隔一河河卽譚家壩下
游河東爲溫湯老井河西爲裕泉王龍膏谷三井井鑿山
下就山坡高下葺屋而居商民聚處約千家熬鹽運煤者
數千人人煙稠密市集喧填將至井所石級連層直至坡
底渡河往西又上石磴百餘級兩山下俱小街出街口仍
渡河至東岸沿江而行山邊俱產煤之處名煤壠山腰開
煤洞煤槽取煤用四輪小車推載坡下以小舟裝運竈所
山坡村店數處爲運煤者歇足之所二十里長店房係開
縣近城大場市長店房四十里抵開縣城四山開曠稻塍
盈疇用筒車引河水灌溉山坡高下俱闢水田地盡沃壤

熙熙皞皞較山中荒陋迥異開縣城不甚大人物繁甚
開縣開河不能行大船船名橈拐子身長不寬筏蓬甚矮
頭尾俱木稍如大刀形不用舵船頭長木橈或四或六推
搖出開縣南門卽登船河流湍激節節皆灘水底石少故
不險行三十里渠口場有山溪一道自北而下至此合流
據云亦通小船再行三十里入雲陽界六十里高陽場巖
高三四丈居民六七十家爲開縣赴雲陽萬縣水陸通衢
再三十里下臭水洞鍋底坑黃石版等灘灘甚險亂石森
立江水噴湧石罅中舟如激箭每至此人登岸貨起剝又
三十里小江口開河與岷江合流處由開縣放舟而行江

山平遠兩岸有竹有木村落二十餘處田隴連阡小江口入岷江六十里雲陽縣城江流浩渺滾滾而來雲陽下東洋廟磯兩大灘爲川江中之險者白浪千層濤聲怒吼水大則東洋險水枯則廟磯險是以有東洋無廟磯之諺江中溜急廻流名西廻水溶溶漾漾波紋叠起又有名臘泝者水急上湧翻濺成旋搖蓬震楫如顛如簸舟子必合力推搡以濟也 由雲陽水程一百八十里至夔府城建山坡江干上里許始達城闔城內衙署民居逐層而高俯瞰江滸夔府之東江邊爲魚復浦卽八陣圖遺跡有石八堆水漲沙壅石陷沙內東下五六里山坡上一白塔爲白

帝城舊址再下爲夔門山勢頓收天然一門戶進夔門卽
瞿塘峽放翁入蜀記所云兩壁對聳上入霄漢其平如削
仰視天如咫尺練瀾湍堆有大石監江心以石驗水漲落水
落石出水五六丈闊二十餘丈則波平易涉水漸漲石露
漸小至石離水數尺則水盛勢猛舟人停楫不前有濫湍
大如馬瞿塘不敢下之語過濫湍堆爲風廂峽山頂巖壁
有石數十塊狀若風廂又有孟良梯石壁上有梯級痕再
數里名黑石峽流水甚急尤爲險灘過此爲下關城山稍
開一食頃進峽三十里矣再三十里名大溪入巫山境又
六十里抵巫山縣自入峽至巫山沿江兩岸重巒疊嶂

時文峯之南爲巫山頂平下寬如巫字形由此入巫峽
川江之船其名不一不能備載就見者記之板跨子內裝
門窻安棹椅上蓋頂板爲官船次麻陽船亦有門窻此外
版船最大螳螂頭柏木船亦船之大者身長船深可裝重
載其次有吊鈎子爬網子板頭船等名俱筏蓬船頭至中
船兩傍安長木橈十餘把至六七十把不等船大載重橈
不勝水則用大枰以五六人推搖最小者有五板船無蓬
卽划子其版船螳螂頭柏木船均帶五板船爲接絳上下
度人之用板頭船其稍上卷而歪下水只推橈楫船頭用

大木稍與舵相應上水則豎桅張帆大船用絳五六十人
小亦二三十人船頭仍用橈楫上拉下推逆流而上遇灘
則合三四船之絳夫百餘人共拉一船上灘再拉一船名
爲併絳絳道忽上山巔忽落巖脚石壁橫鐵索便扒換或
繫小石孔僅能容趾人如猿猱蹙蹙負絳而行間有無絳
道處則全賴撓桿船行江中絳牽上頂聲息不能相聞船
上設鑼鼓以鑼鼓聲爲行止進退絳繩或掛樹稍絆石上
則鑼聲驟發絳夫停足另有管絳者名撿挽無論巖之陡
峭樹之叢雜撲身脫解傾跌所不計絳繩扯住船即轉近
不定危在呼吸若絳斷更不待言江河之險以流爲害

江之險又莫過於峽中山巫山入三峽經十二峯前峯
疊翠巖壑爭奇出峽卽湖北巴東界直下宜昌自巫山
宜陸山江干進城出北門層層皆山一坡方平又上一坡
二十里至水塘坪沿途山溝兩傍坡下俱闢水田田隨山
勢之高下如梯級過水塘坪則山高地瘠僅種雜糧再上
十里達山巔名鳳凰坡將下坡底有山嘴突出上建一廟
名鳳凰觀再下坡行山溝數里至龍霧壩爲山內場集自
水塘坪至龍霧壩山坡高陡大石嵯岬過龍霧壩仍行山
中或上或下六十里山勢起伏路徑深幽下山渡河至大
昌營大昌本縣治裁汰後駐守備今又改千總汛臨河干

爲大寧場來往水程亦一扼要地建有土城兵民六百餘戶城西北地勢寬濶水田數十頃出城行田疇中數里歷山礪沿二十五里至水口爲大昌查鹽之所又十里孝子溪交大寧界由孝子溪下山三十里露風埡山甚高峻下坡三十五里渡河抵大寧縣其河卽由鹽廠而下爲水引運鹽之路大寧城臨河河卽西溪東溪於兩河口合流而下出城登舟船小遙低僅容數人逆流而上峽中兩山對峙一水中分石壁陡懸灘流湍急有黃連樹獅子巖爺巖剪刀背等地名形勢類三峽三十里至溪口由小溪上五里卽大寧鹽廠設有鹽大使分駐其鹽水出小溪之

北岸志載唐時有獵人逐白鹿於山下至此而沒就石
掬才飲味甚鹹因而熬水爲鹽現在石鑄白鹿醢泉並
獵人及白鹿像於山次山坡上石孔中石上鑿龍頭下開
石池水由龍口噴出跳珠濺玉流石池中池下安鐵管六
十有八水從鐵管分流接以竹筒緣山度澗引水至竈以
熬自溪口至竈所沿河南山坡俱民居戶接連六七里
不斷溪口之東山大寧河上折十里譚家墩乃鹽廠營守
備駐劄處人煙稠密山內柴厰自譚家墩至溪口一帶河
邊柴塊層積如山用以熬鹽又濟之以煤煤亦出附近山
內俱用船裝載山譚家墩越山徧名舌條山均通水路二

十里至兩河再十里烏龜峽則水程至此而止自此登陸
步步皆山地近老林樹木叢雜山坡土少石多山壞磽确
五十里徐家壩地稍平有稻田麥隴居民聚集趕場貿易
上坡則山愈高路愈險三十里苦草壩設塘汎於山上山
灣平處山民三五聚居由此登三十里官洞溝行山溝中
上鷄心嶺高插雲表翠嶺崔嵬爲川陝楚三省分疆河天
設之險嶺南隸川北隸陝東連楚地度嶺經母豬洞下嶺
處石礧峭窄僅容一足下臨十丈深溝水聲潺潺行人畏
慄嶺底爲老鼠檻係入陝村落自定遠之白鹿壩上渡
渡入川境經城口太平開雲夔巫大寧度鷄心嶺抵陝

千里經過山川形勢聊記一二道亦掛一漏
云爾

老林說

巖如燬

林無所謂老也古木幽篁叢生懸巖峭壁林旁地氣高寒
苦蕎洋芋亦不生長窮民用力開伐不能得種植之利則
本得以地之無用長其天年柴厥木屢開設萬山之中飛
車填塹工本不貲然必澗谷尚有出路乘山水大發始可
運放如疊巘重岡四面無可通之路則雖有美材亦聽其
老於空谷滇黔兩粵隴蜀之邊何處無老林而楚之鄖竹
蜀之江北秦之西鳳漢興特爲著名者則以地近中原有

此鬱鬱若蒼棠密幽遠足以藏垢納污伏莽之奸依爲巢窟追捕費手故老林在內地竟似邊荒也三省老林就其最深廣者而言楚則二竹興房巴歸環繞數百里也蜀則太平東鄉開雲大寧環繞數百里也秦則寶郿整屋寧強孝義洋縣環繞數百里蜀秦連界則巴山界嶺綿長數百里也林之患初無輕重而人心有緩急者則因地之遠近而分秦省出會城五十里入子午峪林近者在一二百里之中西風漢興州縣環列南山左右者二三十處官民心目中皆有老林故防範最切蜀之通南距會城七八百里太平大寧則在千數百里外然通南密通棧道雲壩往來

諺及老林尙恍然於心至房竹之在楚距會城二千里地偏在一隅非獨官鮮親蒞卽談之者亦少矣然往時所載荆襄流民其爲楚北患者往往以興房二竹爲負隅之區卽教匪擾亂亦以襄鄧平原不能藏匿而竄伏於房竹招其黨與養成氣勢因以蔓延於夔巴毒流於南山至數年而不解則楚之老林其患固不後於秦蜀也慮遺於在遠而患生於所忽老林之在三省其明徵矣鑑前愆後通三省而籌之爲曲突從薪之計建久安長治之謀則謂爲三省其圖其安也可謂爲本境各固其圉也亦可

會勘三省邊境擬添文武官員事宜稟

查南山起陝西西安府繞漢中興安而至鄖陽巴山起漢中府繞保寧夔州興安而至房竹興歸兩山綿亘之處均山大谷深我

國家

里熙

崇治生齒繁盛亘古未有地不愛寶廣

皇仁子惠元元兩山實養活無萬生靈而地大物豐則萌蘖易

生撫綏之中防維尤不可疎職道遯同卑府等逐一查勘

查陝西西安府之藍屋縣西南至洋縣六百里駱瀾二谷當南山深處老林已開者十之六七未開者如黃柏園

督河敖山太古坪各等處西接郿寶東連寧陝老林廣一
二百里長二三百里不等林內開設木廂冬春匠作背運
備力之人不下數萬偶值歲歉停工則營生無資此帶爲
三輔脊實關緊要嘉慶七年於洋縣西北一百六十里
之華陽設縣丞一員似不足以資防範又漢中有黑河一
道原出鳳縣紫柏山繞畧陽沔縣而入漢四面高山老林
西北棧壩接連甘肅之兩當徽縣未開老林周圍數十里
百餘里不等鐵廠木廂亦復不少嘉慶十九年岐郿案內
於鳳縣之鐵爐川設守備營尙未設有文員又興安府之
安康縣東西相距三百里南北相距六百數十里入保甲

戶口甲於兩府從前清查叛產至五百數十分之多良由地太遼濶地方官耳目難以周遍該縣迤南磚坪營所管於四川太平廳城口營連界中間大山界嶺楊四巖南天門兩扇門各等處未開老林跨越兩省寬數十里袤長三四百里極爲險隘磚坪現入保甲土客一萬九千餘戶十一萬數千餘口舊設縣丞一員不足以資撫治又興安府之平利縣東西相距二百餘里南北相距六百餘里東連鄖竹西隣太平大寧該縣夾在川楚之中最爲要隘正南之鎮坪距縣治三百六十里內住龍山八仙河等處均有未開老林現設巡檢一員不足以資撫治

職道等再查

巴山之在川北者廣元路當衝衢巴州地極遼闊二十四
年蔣制憲於廣元巴州移安遊擊營通巴營守備改專轄
通江軍府新聞足資彈壓惟南江縣東北邊境自大巴山
接連木竹嶺至廣元之城牆巖老林計長二百七十八里
北連陝省南鄰襄城距漢中鎮二百里軍威所及雖足攝
伏奸萌而本縣只城守把總一員似不足以資防範巴州
州判分防之鎮龍關至州城三百餘里而東境之官壩鍋
團團秋波梁各等處距州治六七百里中間橫隔通江所
管之絲羅壩黃中堡數十村庄名曰一邑實則隔境民間
完納詞訟均多不便川之太平廳界連本省陝省共計十

一廳州縣隣治相距如安康平利大寧均在千里以外東北與陝西接之大小界嶺南天門兩扇門各險隘均在該廳境內而由界嶺南拖一支結爲雪泡山內百里荒大小圍城漆子城等處係該廳與大寧開縣交界幽險異常七年大功告竣

經畧參贊往來搜捕至十年方能蕺事該廳之城口營距廳城三百八十里扼各大山之要該營所管周圍一千七八百里設有經歷一員不足以資撫治夔州之巫山當巴東興山之衝大寧扼二竹平利之要而巫山東北一百二十里之大昌汎爲古時縣治地頗平坦民客數百戶汎後

陰條嶺烏雲頂黃草坪各等處爲房竹歸興西趨開雲關
道舊設遊擊營改設守備營現只存千總一員民客有兵
防單薄之虞職道等又查湖北鄖陽府所轄六縣在漢江
北者鄖西與陝省洵陽白河鎮安山陽商南毗連頗爲遼
闊而縣西一百四十里之上津堡駐有鄖陽府通判足資
防範惟府西南之房縣竹山竹谿三縣西南邊境距宜昌
之興山巴東川省之大寧巫山均在六百里外中間高山
廣谷爲往時荆襄流民聚集之所嘉慶元年房竹奸民習
教滋事經大兵戡定近年以來老林開墾客民漸成土著
但各縣邊界距治太遠地方官實爲鞭長莫及三縣輿圖

南北寫長所管均縱長而橫窄不能逐處添官必須於適中之地設立丞倅方足以資撫治而竹谿之豐溪與陝西平利四川大寧連界房縣之搏磨坪與興山巴東保康三縣連界地僻人雜稽防尤關緊要此職道等會勘三省邊境現在情形也職道等伏思林開則地廣地廣則人繁往時郭外卽山地不踰百里者今則幅輳千里往時戶口僅數千者今則煙火數萬家各廳縣邊境距治所六七百里山深路險命盜重案報官往返動輒兼旬半月犯慮遠颺屍虞腐變伏莽遊匪尤恐防察難周致滋事端自應添設文員而邊境民多僑寓風尚獷悍地方官尤須官階稍崇

重其事權方足以資控馭查乾隆年間陝撫憲畢

奏於長安縣山內分設寧陝廳咸寧縣山內分設孝義廳
陰縣改爲通判廳治嘉慶七年經畧額侯

奏分西鄉縣西南二十四鄉之地添設定遠廳設廳之初俱
極荒涼今則人戶稠密皆成邊徼重地安康之磚坪縣丞
於該縣二十五舖分管五舖都司所管有近營一百二十
里之孟石嶺汛係平利地方五舖地隣川邊甚爲寫遠撥
入平利之孟石嶺周圍一千餘里可以安設廳治太平廳
之城口經歷所管大小四十八場周圍一千七八百里可
以安設廳治似應於磚坪城口各添撫民同知學官管獄

照磨一員城口經歷移安高觀寺場鄖陽之房竹三縣南

境無水田平壩

卑府汝煒

廂有竹谿之核桃園毗連向家

壩地勢開敞附近居民約百餘家爲三縣南境適中之地
分割房縣轉磨坪以西竹谿縣豐溪以東竹山縣洪坪以
南周圍一千六百餘里可以添建廳治設撫民同知學官
管獄照磨各一員轉磨坪豐溪各設巡檢一員與房縣舊
有九道梁巡檢均歸同知管轄可與磚坪城口聲勢聯絡
平利夾在川楚之中爲三省鎖鑰隸有白土營遊擊鎮坪
營都司似應改縣爲州改巡檢爲州判庶體制相符而兵
民益見威重川陝楚邊界三廳成鼎足之形一州爲輔更

之勢聲援既壯而防維更周太平割去城口該廳所管大小場分五十四處周圍一千三百里幅幘尙廣惟西境稍狹如將巴州之鍋圈圍官壩通江之絲羅壩黃中堡以東撥歸太平則通巴去窩隔之累而太平就近撫治西境亦不單薄太平爲川東門戶應仍爲縣治至盤屋山內情形與寧遠孝義無異較之洋縣更重洋縣已設縣丞盤屋似宜擇要添設大員黑河寫長鐵爐川營偏在西北查畧陽之觀音寺距該縣治二百里在黑河中間與棧壩相近畧沔大道中設有何家巖把總汛畧陽之北白水江設有外委汛兵房被水冲塌尙未修復如將白水江外委撥安何

三省邊防備覽

家巖何家巖把總並將尋坪縣丞移安觀音寺則黑河南
北氣息皆通南江縣老林綿長應添設守備營舊有把總
應帶原設額兵安設附近老林之麻柳灣則與通江之毛
峪關南鄭之青石關聲勢相通大昌汛應仍復守備舊有
千總移安高觀寺則大昌之軍勢既壯而太平大寧亦相
聯絡南江大昌均毋庸添設文員又查三省邊境於本省
有邊腹之分實則均皆內地未可各因其圍置彼境於不
問舊有會哨章程每年十月初一日漢中鎮與川東鎮川
北鎮總兵四川提督輪年於定遠太平交界地方會哨二
次陝安鎮總兵與鄖陽鎮總兵於平利竹谿地方會哨一

漢川東鎮總兵與宜昌鎮總兵於巫山巴東交界地方會
哨一次提鎮親行報院咨部最爲鄭重游匪土棍聞
風解散文員各道似宜添春巡一次每年二月十五日陝
安川北兩道於太平定遠交界會哨三月初十日陝安川
東鄭襄三道於平利之鎮坪會哨各道於所管州縣營汛
既可遍歷巡查而彼此會晤則隣境情形亦可周知至所
管漢中興安保寧夔州鄖陽各州縣地方尋常事件固毋
庸彼此關白如遇匪徒滋事及追捕要緊匪犯申報本省
督撫司道亦卽知會隣境鎮道飭屬無分畛域協力堵拏
倘事體重大鎮道卽宜親行不得推以各保各境庶平時

情形皆熟有事而聲息相通至山內墾荒之戶爲墾耕種所種之地三兩年後墾荒成熟即可易法寓爲土著佃被雨水冲刷不能再耕輒搬去另尋山地地戶有荒地一段招佃常數十家鐵厰板厰紙厰耳菌厰皆厚貲商人出本交給厰頭僱募匠作厰民自食其力實皆良民而佃戶散佈巖谷傭作去來棚厰兵役不時稽查難免需索滋事陝西現辦保甲之法卽於招主厰頭酌其人數之多寡分爲牌頭甲長責以各自稽查歸就近之鄉約保正管理立法嚴而不擾似可通行毋庸另議章程但治法必得治人其事宜與平原迥別必得勤能熟悉之員撫馭方能得宜

非初登仕版者所可勝任而山內水土惡劣地方寒苦官
以進山爲畏途三省現設同知各官並四川之太平縣大
寧巫山通江南江湖北之竹山竹谿巴東似應倣照陝西
寧陝定遠鎮安鳳縣以邊缺題補五年無過以邊俸陞用
庶缺分雖苦有陞轉以答其賢勞自奮勉而勤於撫馭至
添設州判縣丞距州縣治所太遠似應倣照巴州鎮龍關
州判之例額設刑件於所管地方命案相驗牒交印官訊
詳於屍傷可免腐變而案情亦昭慎重所有查勘三省邊
境情形謹繪圖貼說酌擬添設文員撫控棚民事宜緣由
合肅具稟

平定教匪總論

賊匪滋事之始 赤子弄兵潢池耳得賢良司牧膽畧過人者撫而輯之若 興途之泊渤海張綱之定廣陵虞詡之平朝歌可無大煩 師徒也迄事變既成黨與已衆巢穴浸多多用師固艱於轉輸少用師則莫制嗚張則亂之初生一循吏撫之而有餘亂之既成數名將制之而不足詎不信哉愚謏陋書生固知經邦大畧顧自束髮授書耻爲無用之學則愚者干慮容有一得承執事之俯諮因敢畧陳梗概想聞良醫之治病也先之望聞問切審其病源察其病勢防其餘病之傳症視洞重垣旣已銷銖不差然後主方

或因舊法而變通之或因已意而斟酌之妙選地道良
炮製如法劑甫投而病勢霍然矣賢將帥之戡亂也猶良
醫然則賊匪之亂源與現在賊勢暨事後必防之餘禍自
當一一臚陳用備執事芻蕘之採白蓮教者漢末張魯之
遺也魯父子居漢中以妖術惑衆其長曰祭酒從之者人
出米五斗時稱米賊自漢以來歷代皆有其患近聞教中
亦有祖師名色從教者先送供給米若干人教之後教中
所獲貨物悉以均分而小小邪術足以眩人故愚者多爲
所惑然其教以奉釋念經持齋戒殺爲名則所聚之徒多
脆弱不堪戰鬪川省之咽喉匪其源不同川中膏沃易以存

活各省無業之民麋聚其間好要結朋黨其頭目必材技過人衆乃共推之凡數十人結大夥先約遇難不許散幫遇追捕急公議散去始敢各自逃生如未議而一二人先散者衆共追戮之其黨極爲堅固旣結夥之後擇長林深谷人跡不到之處操習拳棒刀銃各藝故其藝頗精往時懾伏國威不過伏匿邊邑僻路搜取過客財貨自達州僞亂各匪潛相附從近聞教匪亦逸至蜀中則匪中添生力徒卒而總以教匪名矣教匪愚而詐囑匪悍而任教恃譸張之小術囑只刦掠之小勇原其初意俱不過爲錢財貨物起見非有若盧循黃巢梟雄之資覲覲非常者出乎其

聞此致亂之源可傳採而知者也教匪私相傳授人衆處
但懼發覺通都大邑間亦有之者則係流寓彼間之人私
學其教而歸終無敢公然演習查漢鄖一帶複岡疊嶂山
地尚多未墾窮民往往流徙其間開畊耕種此輩輕棄其
鄉本非善良面又有奸徒潛煽之勾引者非一日之故故
信從者亦實繁有徒竊嘗綜其全勢而論教匪滋蔓各處
辟之惡獸蜀之巴達夔巫南阻岷江巫山之險北憑羊圈
竹溪望星接連秦之青石柏楊毛壩各關懸巖峭壁鳥道
羊腸古稱蜀道難此數郡爲尤甚賊匪夙匿其間爲精銳
團聚之所獸之頭也楚之鄖歸施宜西北界秦東南界蜀

施南向係土官世業雍正間始改土歸流鄖陽爲楚豫秦
三省之樞紐長山大谷綿亘千里明剗千斤李鬚子屢據
爲亂至原傑割竹山而置竹谿割鄖陽而置鄖西析秦之
商州而置商南山陽析豫之唐縣南陽汝州而置桐柏南
召伊陽地當要害後乃專設鄖撫鎮壓之其施鄖之間則
歸州宜昌有巴渝之餘風鄖襄之中則武當荆山據山衝
之重阻襄陽南來則通安陸宜昌東過則逼荆門地廣而
徑多處處可以糜爛獸之腹也秦之漢中西通畧陽北連
大散興安一府多爲鄖陽分地中有石鍾金竹化龍名山
暨坪埠峪觀音溝七里關白土關各要阨皆怪石嵯峨谷

深山阻號稱天陰而米賊之教實始於此其地大小龍溪
凡張氏遺跡土人猶艷稱之則獸之脊背也豫之浙川旁
有荆子關陵齊遙接武關由是而南下鄧州則熊耳山旗
桿嶺山勢亦復魏峻再南過唐縣之銅山至桐柏縣信陽
州則桐柏山大復山窟窿山與武勝各扼古稱義陽三關
者實雄峙其間固不必似楚蜀各邊之嶮巖而中原之地
此帶實爲奧區則獸之尾也通計由巴達至信陽西南袞
遶東北達之東南路近三千里南北縱廣亦不下千餘里
楚攻急則潰入秦豫秦攻急則潰入蜀豫蜀攻急則潰入
秦楚豫攻急則潰入楚秦將據險守要而地大路繁隨處

三
可以偷越將稽察奸細則俱係百姓分辨甚難徒爲行旅
之害昔楊武陵計驅羣賊入川委蜀爲壑四面聚而殲旃
及蜀不支賊勢盛而楚隨以傾孫雁門拒流賊於關外賊
覆全豫豫覆而旋叩秦關秦亦不支皆失策也論者謂賊
匿四省邊隅深山密箐之中攻勦難進搜捕不及致一時
難於撲滅不知賊在深山密箐固難於攻擊亦易於坐困
設長策以守之用奇兵以襲之終爲罝中之兔網底之魚
而縱之入平原曠野無論有舊從教匪者爲之內應而承
平日久民不知兵風聲鶴唳望塵驚潰地方無賴之徒乘
機因以虜掠其害不可勝言矣此賊勢之不可不知也至

經賊匪殘破各地方雖大兵恢復而當時權行招納則中懷反側者當自不少所有流亡之衆轉徙歸里零星四住未能氣完勢重沿邊各邑大者跨山連嶺幅輳數百里其號稱彈丸黑子者亦不下數十百里州縣設兵額數名數十名形勢單弱距能徧爲巡邏而北省召募鄉勇半爲收羅地方無賴起見尤難資其實用則新復各州縣城郭固自依然將何恃而不恐耶賊匪雖無遠畧亦有小小詐智心計取道未破州縣必遭攔截而從旣殘各地經由可以通行無阻至旣殘各地重被匪害則附近未破之州縣必大爲驚擾探其人民逃散村落空虛者便乘間焚劫是賊

借山谷爲巢穴被害各地爲旅舍而因以蠶食各郡邑也
新復各州縣往往重被擾害實由於茲竊計新復各州縣
必實有以固其圉絕賊匪重擾之跡者而後可逼賊入巢
用勦勦以清餘孽他如被害各村落廬舍蕩然難民無資
以生撫綏稍不得宜其不能自存者或更潛相附託亦情
事所容有此亦知醫者之宜兼防乎餘症也燬未親至行
間並未見滋事以來各文報則局外議論詎能得其要領
而鄙見所窺有如此者至於攻勦之方安輯之術或四省
而求一舉盪平之策或於全楚而爲保疆自固之謀尙當
力竭思慮分路籌畫備大智邇言之察焉

會同設佛坪廳治疏

盧坤

爲陝省南山扼要地方請設撫民同知等官以資治理
重嚴疆遼

旨會議具奏仰祈

聖鑒事竊臣盧坤上年校閱營伍履勘南山情形奏明地方建
置以及營制兵額須量爲變通俟與臣那彥成臣楊遇春
詳細酌商再爲具奏欽奉

硃批委爲商辦會議具奏再降諭旨等因欽此臣等欽遵

聖訓確切會商伏查陝省所轄南山東自商雒西盡隴蜀西安
鳳翔二府在山之北漢中興安二府居山之南西安府屬

之咸寧長安盩厔三縣所轄山境實爲南山脊脊最稱險要乾隆四十七年請於咸寧縣境內添設孝義廳同知長安縣境內移駐五郎關通判卽今更名之寧陝廳惟盩厔縣境內未經添設緣該縣東西南三面山境千餘里皆層巒疊嶂鳥道羊腸彼時尚係老林居民鮮少嗣後日漸開闢戶口滋繁而僻在深山距縣二三四五百里不等又境通洋縣郿縣鳳縣寶雞寧陝西鄉石泉等廳縣悉屬南山要地五方雜處良莠不齊縣官遠在數百里之外雖極精明亦恐難於周密藏奸匿匪深爲可虞道光元年雖經添設盩厔縣丞分防洋縣之袁家庄其地當寧陝石泉西

各廳縣交會之區亦關緊要而偏在藍屋縣之東南於該縣老林地方管轄亦屬不及且其官職甚卑難資彈壓竊查嘉慶七年籌辦善後事宜案內於西鄉縣之漁渡路口地方奏設定遠廳撫民同知道光元年川陝楚會議三省邊防案內於安康縣之磚坪地方奏移磚坪廳撫民通判與孝義寧陝等廳俱定爲邊缺俸滿卽陞良以山深谷達地瘠人雜崇以官階重其彈壓之柄定爲陞缺勵其鼓舞之心立法甚爲詳盡今臣等遠稽於孝義寧陝近徵於定遠磚坪確核實在情形悉心商酌藍屋縣山境誠宜添設廳員俾資治理以仰副

聖主垂厯巖疆安益求安之至意查得縣南有佛坪地方距盩厔縣三百四十五里距洋縣三百六十餘里既爲兩縣適中之地又與盩厔所轄著名老林之厚畛子都督河大小牛尾河暨洋縣所轄之二十四壩大古坪等處相距皆止一二日山程俱可就近查察臣等因陝安道嚴如煜洞悉南山形勢復委該道前往逐細履勘稟覆無異洵爲扼要之區應請在於佛坪地方增設撫民同知一員巡檢兼司獄一員其同知照依孝義等廳之例定爲邊缺俸滿卽陞將盩厔縣老君嶺迤南洋縣華陽迤北及原撥盩厔縣承經管之袁家庄一帶村庄俱歸同知管理則於南山形勢

扼吭拊背一切防奸緝匪讞獄征糧官民各得其便聲
亦復相通實與險要巖疆永有裨益又興安府平利縣之
鎮坪地方界於湖北省竹山竹谿二縣四川省大寧城口
之間爲三省要隘距平利縣城三百六十里向設巡檢一
員旣不足以資彈壓且遇有命盜案件知縣勘驗辦理實
有鞭長莫及之勢而民間輪糧訴訟往返七百餘里谿山
間阻甚形苦累今袁家庄旣歸於佛坪管轄原設之盤洋
縣丞其事較簡應請將盤洋縣丞改爲鎮坪縣丞其分管
地方請照廣西凌雲縣丞四川城口廳高觀場經歷之
例命盜案件准其就近勘驗牒縣詳辦添撥刑仵民壯以

資應用一切民詞請歸該縣承審理應征錢糧併由該縣
丞征收解縣原設之鎮坪巡檢卽改爲袁家庄巡檢一轉
移間庶輕重得宜民情稱便茲請設佛坪廳治其應需巡
檢兼司獄一員查有郃陽縣丞與知縣同城係屬閒曹應
請以之裁改惟應需撫民同知一員應於丞倅各缺內裁
改查陝省同知除西安延安榆林理事同知三員外有撫
民同知五缺內潼關廳爲陝省東路入境要區寧陝孝義
畱壩定遠四廳俱爲南山最要之缺西安府雖有清軍同
知一員但係會城府佐有經管捕盜水利火藥之責承辦
公務甚多通判止有漢陰磚坪二缺亦係南山要區以上

丞倅均難裁改實緣關中幅帙遼濶額設官吏本屬無
通年墾闢日廣烟戶殷繁以今揆昔情形尤屬懸殊查
隆四十七年請設孝義廳同知並漢陰廳通判嘉慶七年
請添定遠廳同知其時卽無冗員可裁聲明具奏先後
准各在案今請設佛坪廳同知一員合無仰懇

天恩俯照增添孝義等廳之案毋庸裁抵惟應需廉費俸工不
便請動正項亦請循照定遠廳成案將所需廉費於每年
通省缺廉項下動支所需俸工於每歲裁汰驛站工料項
下動支無須另行請增銀欸如蒙

俞允此外一切事宜統俟部覆到日另行詳悉定議題達辦理

二
所有臣等會議增設廳治各緣由謹合詞恭摺具奏伏乞
皇上聖鑒

會議營制籌撥弁兵疏

爲會議營制籌撥弁兵恭摺奏

聞仰祈

聖鑒事竊照陝省營制自嘉慶年間辦理善後事宜以來歷次
增添撥改星羅碁布已極周匝臣盧坤上年校閱營伍通
行查察凡所建置悉在扼要之區聲勢亦甚聯絡惟查南
州直隸州暨所屬各縣地居南山之首當湖北省襄鄖二
府河南省南陽陝汝等府州之衝爲陝省東南門戶而巖

各深達溝谷岐分游民往來則又到處可以踰越情形實
屬險要舊設商州營遊擊一員把總三員外委暨馬步守
兵共二百八十二名除分防所屬雒南商南山陽各汛外
州城止存兵九十八名殊形單薄又漢中所屬畧陽縣觀
音寺地方係黑河適中之處東界沔縣南至畧陽東北西
北俱有老林境連甘肅徽縣兩當二縣該處相距各縣城
皆三四百里不等爲木廂柴廠料物發運之所地險人雜
雖道光元年三省會議邊防案內已添設縣丞一員似不
足以資彈壓臣盧坤當於具

奏南山情形摺內聲明地方建置以及營制兵額俟與臣那

彥成臣楊遇春詳細會商再為奏請

聖訓欽奉

硃批妥為商辦會商具奏再降諭旨等因欽此除盤屋縣山內會議增設佛坪廳治現在另摺陳

奏外臣那彥成伏思商州之地本屬嚴疆額兵較單誠慮難資控馭畧陽縣觀音寺黑河地方情形著重並宜添設汛防惟是營制損益必得通盤計畫且所議增設佛坪廳治如蒙

俞允亦須移駐弁兵自應一併妥籌於各營中斟酌抽撥以期兵歸有用餉不加多當經商之臣楊遇春臣盧坤會查得

陝西提督一員守備一員二總一員經
外委二員額外外委二員該營並無分防汎地而額設
員數較多應請以鎮安營守備裁爲千總移撥商州作爲
商州營遊擊之中軍再撥該營經制外委一員移隸商州
營管轄並於提屬及西安漢中二鎮屬兵丁較多營分內
抽撥馬步兵一百一十八名裁缺歸於商州營招募連該
營舊額兵二百八十二名共兵四百名除分汎之外尚有
存城兵二百一十六名庶稽防彈壓可壯聲威其畧陽縣
觀音寺黑河地方應設汎防查漢中鎮屬畧陽營有分防
何家巖汎把總一員兵六十名白水江有分防外委一員

兵四十名該二處並非要隘應請將何家巖汛把總移駐
畧陽縣觀音寺黑河地方作為黑河汛併於該二汛兵內
裁撥兵四十名歸黑河汛募補其何家巖舊汛山畧陽管
撥駐經制外委一員又查稽察至佛坪議設廳治應行移
駐弁兵之處查漢中鎮屬陽平關營設有額兵五百二十
二名參將一員守備一員千把各一員經制外委四員額
外外委四員其營僻在嘉陵江東岸並非古之陽平關且
介於寧羌畧陽二大營之間情形無關緊要應請撥陽平
關營守備一員經制外委一員額外外委一員又西鄉營
官弁較多再撥把總一員均移駐佛坪地方並撥陽平關

營馬步守兵一百六十名裁缺歸佛坪營招募仍將附近
佛坪之厚畛子黃柏園二汛併歸佛坪營守備管轄核計
所撥弁兵於新設佛坪廳治所轄山境巡查防範已當其
用至陽平關營既經裁撥兵一百六十名該營僅有兵三
百六十二名除口外屯防並分汛外存營兵止二百一十
名無須統以大員應請裁去該營參將改設都司庶於營
制相稱以上裁撥弁兵營分臣楊遇春體察情形悉心酌
核與臣那彥成臣盧坤往返札商意見均屬相同理合遵
旨奏請

聖訓如蒙

三
俞允其應抽撥兵丁細數及一切未盡事宜俟部覆到日另行分別

題達辦理所有臣等會議緣由是否有當謹合詞恭摺具奏伏乞

皇上聖鑒

南山藝荒考

嚴如煜

南山介雍梁荆豫之中非僻壤奧區也其地五種皆宜饒金鐵玉石果蔬驚利者趨焉而山峻谷暗嶮峨異常防維稍疎豪梁輒阻險而安忍故自古以來世治則闢世亂則荒蕪當唐虞時烈山澤隨山刊木終南惇物胥治信南山

之詩曰惟禹甸之山之原隰我疆我理矣夏道衰不窋窳
殷道衰幽亦不能自存古公踰梁山遷岐皇矣之作屏脩
平啟辟攘剔今開老林法也但所荒高山在今汧隴之間
至文王時化行江漢而南山再闢焉陟彼南山采薇采蕨
南有喬木不可休息則蔭翳盡矣錯薪者刈楚刈蕰則柴
薪之權輿也武王牧野之役庸蜀羌髡微盧彭濮八國之
人皆從其地在今通南巴夔二竹興房老林之中日闢國
百里而南山爲腹地平王東遷岐西盡予秦人楚自克庸
漸有漢中通少習并有商於南山爲秦晉楚分界聽其荒
蕪矣秦伐蜀開金牛路修棧道南山漸闢高祖之入漢中

由之其後轉巴蜀之粟以成帝業南山通長安者曰郾閣
曰垓南曰堂光曰圍谷曰子午成帝時公乘興等訟京兆
王尊曰南山羣盜備宗等數百人爲吏民害尊於二旬之
間錮除賊亂民反農桑夫曰反農桑則舊爲農桑可想也
東漢建寧三年蔡中郎郾閣銘延和二年魏爲楊君頌永
平六年郾君通褒斜道碑皆今老林中有稻禾禾殘終歲
不登之言則兩漢時南山蓋畿輔矣靈帝時黃巾賊王國
亂鳳翔獻帝時張魯據漢中阻山爲險林木蓊蔚歷建安
章武至建興十年武侯因褒斜之木作棧道棧閣其他山
谷林木則畱作諸園以增守險之勢晉魏以後藉南山定

南北朝地界唐初平五谷其後通蜀之路由池荷青泥入
山南之路由駱谷十八盤子午江口乾佑清陽驛道往來
客邸酒壚芻秣米蔬取給山中老林闕矣白宋南渡據興
州爲蜀口南山東連金商憑爲秦蜀之塞歷金元至明天
順成化二百年間僑徙日衆荆襄流民劉千斤石和尚李
鬍子等盤踞於房竹夔巫之間勦則此散彼起撫則甫去
復來臨以項忠李震等數名將不能定至原子英添設州
縣建鄖陽府割竹山尹店設竹谿縣鄖縣南門堡設鄖西
縣洵陽白石河設白河縣商縣改州豐陽鎮設商南縣南
陽設南召唐縣設桐柏流寓土著參錯以處自是房竹以

三省邊防備覽

東山荒浸關顧當子英之時所亟者在郾襄巫夔故所規畫亦特詳於金商下游而南山阻奧未暇遠畧其後流賊之患遂得據重險爲巢穴我

國家

重熙

累洽生齒繁盛川楚吳粵之民轉徙山中乾隆年間南山添設寧陝孝義兩壩三廳嘉慶年間巴山添設定遠一廳流民墾荒開山附籍爲氓者增至十餘萬戶而寧陝至兩壩南山脊脊相距八百餘里尚覺空濶道光四年 大中丞盧公奏設佛坪廳俾形勢聯絡司牧得就近撫治蓋自南宋

至乾隆年間南山荒蕪五百餘年其治較往時爲難然以
五百餘年未闢之林荒至我
國家而爲有夷之行柞械拔松柏兌躬逢其盛者能無憬然
於奠定之功軼成周而繼唐虞也哉

南山詩次韓文公韻

唐仲冕

風詩詠紀堂傳記稱苑囿拔地光上騰興雲澤下究中條
位最尊太乙神所授服懸逾博物丹砂類勾漏節彼具爾
瞻佳哉予云觀九州第一險羣峯斯大湊井絡照垂珠隰
衍紛錯繡脈從氏道行徑向洛源透縣亘千里強孕育萬
彙茂將以表四塞先爲數列岫華嶽視三公桓圭綬九就
特擎巨靈掌遙索歸昌囑驪嶺鬱蟠紆黃山蔚深秀高凌
沈澹羣節應霹靂耐六爻度乾剛尺五近天覆龍門絕壁
開牛首靈臺構膚分金粟肥骨萃石樓瘦脊膺貫藍田襟
背通碧宙七盤十二緝九嶷三千鏤自華紀廣輪於岐考

三省邊防備覽

延袤太白金星明穹蒼秋氣候周原列兒孫吳嶽猶倖籓
守關嚴子午升阜擇庚戌荆岿積雪隙阪谷咽水竇鶉音
聞膈膊鷲鳥養味澈嶠豕流濫觴武都壤雜糅梁雍多合
沓褒斜眇眇盡岔路牧亡羊毗界麻爭漚大巴蹲熊羆中
梁逐狻猊雲門迴欲開天柱屹不仆紫柏殊崢嶸青蓮頗
僻陋鄴注別支長朔書良材富蓄壑交隱麟川瀆互奔走
鎬洛基文王仁政溥在宥瀟灑溯穆公霸術獲倍售涇漑
入鼎州豐注指乾祐晉有渭陽思楚爲商於詬弦蒲葢付
虞炭谷湫修梵白渠鄭國駭藍槁尾生愁郿鵠憶萊封皇
闕存郊舊西自鳥鼠同東過漆沮又漢與星河通江共舛

蛇髯嘉陵僅通舟大散利禦寇河沈仙閣飛谷墜雲梯
下便窺窺植上直探崔嵬疆皆南山聯續在西陲奏農工
爭墾閭閻賈更遷貿盤屋世並通鄴杜行相近七二峪羊
腸廿四嶠鷄胆黃墩極蕭森元扈疑閭督土豹傍礪藏木
馬沿溝溜龍興姬京獨虎視羸都復郡時折而左陳倉趨
以右亞父迎式車子儀立免宵峰函控咽吭巴蜀通聲臭
興元形勝雄定遠名實副池荷數簣簪榆林犄狸鼯魚肚
桑柘密雞心橙橘皺茅埵防莽伏麻溝戒鼠闢犬牙杜鵑
張蛟卵伐雉雒河由鐵冶荒谷到車廂輾五朶雲方攢八
度馬齊驟漢江議防維楚塞資佐佑須效稷莠除先儲艾

棄灸丙穴摩峭碧甲河涉沙籊郎褰荆關扼夔峽岷津逗
流移善拊僮土者安耒耨賦則本稅輕徭客遞價購游手
室惟棚強舌語半譎轉徙辨川廣扶攜偕老幼積久連親
隣反眼輒刺謬慘株摧燒畬玉米春堆餽禮驩豕執牢師
動牛鳴樞叢占千畝竹箕落一頃豆紙簾及樹鷄鑪錘饒
炭獸同袍呼咽鐵吳端托靈鷲執言禽失前敗羣羊鞭後
隴低躍野賓橋柱畫村置教養誠勸懲仇讎變姻媾往遭
採黑九非種舞紅袖到處苦蔓延隨時痛彌符成城鼓衆
心開網計自首甄蔡疾瘼糧沉甌容搭餽堅壁鎖嚴扃
野鷄井收勁旅已三驅

虞弧莫再發賣酒鑪無焚煎茶坪有想正當閨首俗何可
窺尾繇民順地水師

后施天恩婦時昔拍梁篇聯陳寇菑遘由來桃林塞遠接
參墟宿豐牛梓入池宛馬龍歸廐采芝得蟬蛻種玉盈瓊
琇上腴鋪設穎神鷲簇簷雷魏延進難憑曹真敗亦徂亂
倡李特劇勲推溫造懋聚米觀掌紋奏刀中縻腴茲山關
治忽計功承享侑豈緣涪翁評而爲退之疾我慚樂只歌
深恐厥口咒緬懷石室居幸免漆船僦旱蕩方技餐霜柑
仙客嗅書事擬北征千載相醅酌

煎茶坪

吳榮光

古磴百萬級繚繞煎茶坪欲上仍盤桓身世何屏營雙繩
百丈曳一落千丈輕寒澌與雜還亂石相支撐喘息陟其
巔尺地如掌平土屋八九家暝烟起爐鎗行道亦載渴及
此新茶烹估客爾何來千里攀峻崢錐刀誠幾何失足命
已傾熊子爾何來雲裏紛丁丁日暮胡不歸虎豹伺猙獰
成夫爾何來荷戈此長征秦關與漢月忍矣劬勞生此地
扼秦吭昔人幾戰爭南望和尚原西望氐王城陰風燃野
燐白日窺山精至今閱千年但聞猿狖鳴一水東西流濯
漢分絕橫東行十餘里瀑布來琴箏去去觀自在度人禪

梵聲

東爲觀音
堂多響布

七盤山

我從大地來元律見羣嶂蒼然高矗天百夫盱相望延緣
稍得路曳我籃輿向羊腸紛百折蟻曲窮萬狀高者或沼
厓下者如入藏磴道豈止七稱名何其妄繚繞數十盤稍
喜得開暢左挹玉山秀右瞰藍水潏商顏六百里東去觀
則壯哉行三十日日日終南徬春光感鬢殘雲影或胸盪
雖則風塵勞亦得烟霞餽草色如有知爲我誌行繡

華陽吟

嚴如煜

梁州號天險華陽書所紀分治有長官洋川一隅耳其北
阻辛澇南襟天漢水尾瀘頭駱谷蟠紆七百里中間盛嵯

峨峯齋蓋峙太白旣天齊終南復雲委衆壑分瓜蔓盤
嶠簇蓮蕊山靈所融結恢奇而譎詭羊腸盤蛇徑峻削不
容趾古木雲蒼蒼豐草露薿薿老林荒初闢披荊除葛藟
鬚鬚駭獼猴牙角悚虎兕地利日以開百萬僑流徙青桐
扒摘菹叢蔓煨煮紙秦嶺都督河板房厚畛子木客盛徒
衆夥隨繁食指本來謀溫飽背負聽驅使樹大生萌蘖器
多雜窳些陰巖積屑雪午天窺寸晷地主貪蠅頭里甲相
阿唯我聞興勢屯戍樓鱗次比扼要守山口重關得憑恃
又聞貞元蹕聞道實由此旌旗繁灌木烽燧明辟壘瀟谷
清涼川千驛迎虎士褒斜度開道陌鳳角相犄子午經五

邱高衙烏斯跋桑土慎綢繆多備寧所訾此中頗空曠
腹鞭難捶笨阻憶疇昔設罪截狂豕狡焉伏窟穴壯士爲
捐體固國不以險懷憂自笑杞八寓蒸大化柔遠况在邇
詩謨思二都緇銷分疆理卽山氣葱葱詰屈平如砥

黑河吟

沮源導紫柏池荷屈上游迤邐鞍橋口奔騰紅椿溝緣曲
往而復山斷水仍流林泉灑百道龍穴滙幾湫潯潄涵衆
壑黝黯異清瀏磷磷堆頑石湍激不容舟菜嶺九台子嵐
光東南浮太陽峙西北黑松環白樓叢叢鳳興沔磅礴三
雄州跨越微兩當仇池當上頭四望幾由旬連峯玉筍抽

盤折青泥路十步九延休脚底雲漬湧眼前刺紛糾崕岬
嵌洞壑涼風夏颼颼幽篁巢螻蟻古幹蟠螭虬棚居雜吳
語板屋半楚咻氣寒地磽确稻黍種不收苦蕎紫洋芋清
風望有秋以此僑徙人不盡力田疇鐵鑪排光化礦石紅
於樗斧斤縱棧礪材木堆山邱徒匠累千百升斗各爲謀
共墾老林荒此地爲黔婁工停無他業頗同懸贅痛地有
犬牙錯盜難越境鉤往者伏榛莽數載勞爬搜吟呻病爲
患瞋眩疾始瘳勒馬經三度木鐸徇以遁龐吠幸漸靜村
落不鳴桴松柏詎易兌五馬不能西鳴琴諒治理牖戶切
綢繆安得衰盾日常此照陰幽

巴山吟

巴江曲成字巴山高極天連蜷八百里半蜀半秦邊奇峯
望突兀復嶂走迴道千章森古木鬱鬱屯蒼煙參井逼象
緯四月雪花鮮其支走巴達魚鳧舊井廕雪泡梭羅嶺團
城一碗泉羣峯見孫列鉅者隨以肩蒙茸虎狼穴陰翳鶴
鷗翩晒旗與拴馬間道父老傳西寇昔竄矣鴉賊亦狂癲
往來皆取徑漁肚妖祲纏撻伐勤衰鄂懸巖樹戎旃蟻封
困驥足爬搜屢年年趙趙額威勇區畫壯猷宣班城分符
竹百雉金湯堅瓦石拊脊背高柵樹層巔威聲壯絕徼村
落高枕眠花明紅羊峽雲淨星子前此山太阻奧十戶九

三省通志
流遷工作紙耳厥襁負多楚黔攘剔誦周雅輔車凜古賢
戶屏旣嚴鍵藩籬應密編秦中星碁布雄鎮金梁聯三巴
扼蜀吭閭夔路幾千林大地空濶山深路幽偏守望仗鄰
好潰川虞滴涓王公慎設險君子防未然

棚民嘆

終南古陸海千里望蒼茫板屋幾土著結棚滿山梁扶老
攜群弱鷄結無完裳晝炊支礁石夜宿依空桑遠從楚黔
蜀來墾老林荒葭苧認親友音口尋鄉邦先來佃招佃籽
種借雜糧數椽架茅屋四壁綴茨牆衝寒砍棘樹夜燒連
叢篁雨水纔過節偃倭揮鋤忙春深挑野菜續命糝米湯

指望收成好，等閒穰穰誰知山地薄，途泥壤非黃年。
年年於肋三載五載後，磽确鉅刀鉞，况復近歲
旱，石莊溝谷無餘土，但剩老青岡，欹崖巖則劣枯
人，強忍霖七八月，山裂巖崩，飄土痕刮條，巖聲滾礪礪，
金甌半覆，穰穰重周章，蕎落黍花萎，青風不陞漿，磊磊
蓬洋芋，蒸餽當饑餒，籽種不能穀，債借幾時量，辛苦開老
林荒壑，仍無望，故園歸未得，遷地果非良，鳩鵲對形狀，惻
然爲心傷，地勢本如此，豐歉寧能長，鴻雁噉中澤，遷徙亦
古常，畝金有沃土，山中豈樂鄉，所幸宜五種，食不止稻粱。

三才圖會
屢豐聖人世山隰殊雨暘勤儉天所福葭屋積粟囊但能
勞筋力飽粥充飢腸五方處錯雜慎勿爲藝種我聞項司
馬驅之猛虎狼以聞原都憲安之成保障驅陰吾何忍父
安謀難臧才微斯民救中夜起傍徨

木廠詠

岐豐治西伯道通化斯行作屏詠周雅伐木聲丁丁紫南
勢蜿蜒接連太白橫千里蔚蒼翠參天灌木繁名材挺杉
栗松柏冬青青採之利民用販運通雍秦鉅者作梁棟細
亦供爨薪商人厚貲本坐籌操奇贏當家司會計領岸度
工程書前紀簿冊包頭夥弟兄開林百十里作料兩三春

新發運抱材縱斧率以繩剝落旁枝葉截撤尚百鈞天直
輦坂嶺于橋渡濶阮背板力任重強健驟爲名積聚待
發水解趙溪泓森柴堆谷口嵯峨排木城一版羣工備大
者屢千人以漸開而進約束似行營西通棧壩與東去接
商鄒工徒半流徙億萬倚以生前年生萌蘖不逞演弄兵
扼吭仗健將元惡戮鯢鯨民利詎能禁遏生端有因開採
資商本實賴得年頻糧賤生計易敷錢腹彭亨商利大於
母工徒聚如蠱旱潦事難定青空糧不成一年食已貴再
歲詎支撐斗粟千青蚨商總工亦停紛紛食力備何自安
其身况復牛山美光濯乃常情雖云老林僻壤地還可耕

詎知採運時一木百人羈蟠根地尋丈種穀能幾莖高寒
剝磽确五種異時步自突若無計上座屢舉航安危邊亦
腹撫馭能兼循詞謀應預稽防慮貴精天作太王荒祖
矣路平平祥和慶盛世屢豐卽永寧當家領岸書辦包頭
均木聚小夥名色顯
中背板健夫馳某驛子運木過山用天車過濶坑用
天橋皆架木爲之木料積山中俟山漲大發始能放
被都蓋屋板從用件工滋事總兵吳廷剛領
兵徑越厚影子泉穴諸首逆萬五救迅速完事

鐵廠詠

史公載平準大書桑孔事上佐軍國需資賴鹽鐵利鑿金
耕以刀厥功同陶埴古聖前民用貨惡人有棄南土當坤
維金精靈氣積處處興鼓鑄民命亦所寄當其開採時頗

紅山鑿礦石碗磊小坡歸黑山儲薪炭縱橫地
屋瓦步壘兩三丈傑然立巔巔風匣推連宵燭天紅光熾
富匠看火色渣傾液流地銚板堆如屋範模成農器黑溝
黃花川家具頗堅緻鍊工良苦鑄錯資不易老林連坡
陀匠作採取恣奈此旦旦伐年來剩山翠一瞰指屢千人
皆不耕食重重無業氓力作飽司儲上天不愛寶助我太
平治豈無逋逃猾蠹伏屏鼻息豈無透漏奸黠禁嚴關吏
地利有時盡生計以樵梓乃知宏羊法病國非爲義
紙廠詠

洋州古龍亭利賴蔡侯紙二千餘年來遺法傳鄉里新篁

四五月下，青紫方塘甃磚石，尺竿浸藥水，成泥奮鐵
鉗，縷縷成家精液凝瓶甌，急火沸鼎耳，幾迴費淘漉，作
意淨流滓，入槽搗小簾，玉版層層起，染纈增彩色，縱橫生
文理，雖無繭綿堅，尚供管城使，馱負秦隴道，船運鄖襄市，
華陽太小已，厥屋簇蜂蟄，匠作食其力，一厥百手指，物華
天之寶，取精不嫌侈，溫飽得所資，差足安流徙，況乃
作山經，坦步履，行歌負販人，叢絕伏莽子，熙穰
擾政斯，美味蔬筍味甘脆，殊脯肺區區，文房用
奸宄寄語山中牧，勿以勞胥史

奉檄巡查商州西鳳山內感賦

一山不過一峯橫前漲纔低後漲生路奪蛟龍衝駭浪林
巖虎豹作風聲萬家黔首邦之本百折羊腸命已輕西顧
九重頻答泣曉驅

王道總平

九月曉關雪滿巔履冰翻在履霜前

初十日霜降前初五日已下雪

泥深

踏石愁添雨衣濕圍爐怕撥烟過嶺雲縈三尺絳凌波襪

結十夫肩危途未敢言憔悴念到民艱更着鞭

溪河急甚每渡用夫

十條名指小兒肩上掠清而過

重陽佳節恰山陽茅店茱萸未入觴黑蜨侵銷雷鼓震

時擊

鼓肅晴亦烏靈放日輪光晴川縱轡危仍伏峻坂關心骨不

三省訪情覽

卷十四

藝文下

七九

妨須識險夷都在我登高設棚有仙方

新晴郭僕放馬而行連蹶驟均顛溺

中衣衾皆濕

荆揚轉徙到三秦牌甲懸門別老新荒墾那能成沃土饑

驅敢怨作勞薪丹崖蛇徑三千里板屋鷹鋤百萬人

墾荒尖鋤

號鷹嘴

尚憶二都勤撫我哀鴻中澤輯流民

山中有二都祠原吳兩撫治

陰森無際望蒼蒼百堵高甍屹五邱開府遠猷嚴保障元

戎苦戰靖機槍金商山鏡雲間鼉子午人屯谷口糧不信

頻年警炸燧熙恬景象在豐穰

老林中建安陝驪顏侯勳肅教匪大得其力

地氣高寒雨又風時暘不苦歲青空百千個紫洋芋磊

林旁

五種不宜民間栽洋芋作頓

三兩包黃玉米豐

豐年包穀一莖結兩三包

鄉黨葭芋

三六劉錫季襄村翁歲時亦有山氓樂作息堯天鼓

自同

一 黛色蒼皮古樹稠松杉梨柏聽搜求連雲冰溜隨行馬轉

月天車走健牛既以奇贏饒大買須知羣力藉包頭如何

聚散憑豐歉歲歲辛勤也得酬木廠溜子澆水成冰木走如馬天車多用牛推廠中

水陸運脚音
有包頭車說

到處洪施斷嶺青洋川造作又龍亭鐵官市弛宏羊禁玉

版家贏韋氏經民富不爭山澤利物華競獻地天靈刀泉

滾滾荒場積康阜年來變鵠形洋縣龍亭為蔡倫封邑舊鄉定遠皆舊洋川地今多

紙

三省邊防備邊

甲河丹水武關東楚豫峯穽望眼中孤火香燒供米曾六

牙莽伏曳刀雄懸山石碣鐫羅牧粒我神君醉聶公長

可能勤撫馭維馴劍賣化澆風

高石路三百里羅刺史開路有石碑安聶公

民望是樹藝相
節作本縣城隍

數椽茅屋憩黃昏父老殷勤酒一樽曉語吳音相問訊

糧市斗與詳論詩思晴岫碧雲鴻客路霜天紅葉村

行臺宣

經書院藏書詠周爰

抒昌黎恢異天所授凌虛光陸離涵萬一無漏退之詩虛

公踞太乙巔俯與羣峯觀天風助吟聲烟霞來相湊兩豪

秦華角一幟赤雲緇謂余山主人重圍未許透小隊聊攀

躋春旂瓶叢茂時立精英握巨手餘翠拾衆岫歸岌未了

青點竄入急就翳維東非疆適當朱鳥喙黑河西黝黯丹

江東娟秀留濁黃流漲漢清綠醺耐四圍水滌洞萬疊雲

轉覆太白肩追隨惇物神結構紫柏鬱陰森玉女挺清瘦

漾源揖嶠冢屢屢當坤宙江字拱三巴僊僊對冰簷繚垣

程五千三州地廣袤崧岑攢叢叢兒孫羣踞候峻還極于

天清簾弄遙筵九關排六丁七宿聳五戊星摘不須樓天

窺別有竇指按風子落口張紺露澈高厚廣發育勾甲生
雜糅鵲鳩啼寒夜蝙蝠飛白晝草薊斑嘯風湫管蛟作濕
卵不數燕鶯胎詎競猿狖壘荒斲櫨樛跨礪虬枝仆跣脚
躡霜雪鬚髯山都陋玉黍蒿菽芋彌臯種收富礦挖銅鐵
鉛不脛遠鄉走財從陸海攫辜有逋逃宥鹽布筍草堆黃
琥赤瑤售神窠叩叢祠豚鷄祝庇祐皮薄屢停空安土翻
所詬誅茅棚架椽覆板瓦不甃土流人亦流踉蹌病愚慙
編甲民多新承糧戶鮮舊生齒百萬稠豐稔難頻又良莠
紛鬱翳野心誰爲唱小者娃工絳大乃成盜寇硿潛避
匿飢寒莫憫救走險急挺鹿安窠乖飲殼此山關治忽义

...約殊質質荷池邊奉迎看道...

...元頭祭挾胸膈招討揮如意漣涕笑雀晉

...泰山石穿溜憑陵憤張李雲棧肆往復天網

...五雲陣排左右窮寇車箱困待斃投介冑督師齒焚

身陳奇草木血腥臭曠野縱豺狼深樹竄鼪鼯魚爛殘半

壁推轂才難副楊嗣節彼民具瞻山靈為眉皺戡定資將

勇龍戰陋穴鬪星馳迅狡覩雷鳴動雉雠元老信神武經

新威威智畧况輻輳陣守壁壘堅誠村鎮軍鎮軍行風雨驟時

提軍有一日一崢嶸山生色慷慨神所佑青霜劍光閃擊賊

非穀灸叱咤動山岳磨崖鐫史籀冥冥妖殺銷亭亭霽光

三省邊防備覽

卷十四

卷十四

逗山容洗時雨山色空明
耕耨山貨山藥材市集聽求購溪
流響潺湲人聲喧闐挂竹憩老翁
穉負搬細幼高山古
公荒夷行無一草作屏灌木拔新
炊饌旬恆生者飽親糧
沒亦安完概思南山治如種南山
豆分行灌長畦食苗
防野獸東道通金商七盤盤健驚
曉關當其前郇關
後中屯五郎營腰竹挾勾留南午
北子谷義取陰陽
駱穿瀟洋樹簞刺裙袖華陽黃柏
園貞元書來狩迤西
樂城翻越白雲首晨馳五丈原飯
蒸氣尚饒襄谷聳馬
風嶺稼雲收岐郿出斜峪萬弩此
驚發大散扼牛堡燒
縱薪煥美名占天漢兆爲龍準絲
陳倉暗度秦白水

如蜺蜺區雍梁崎嶇行相遺官有列城居戍多重兵宿僻
路夫肩兜衝驛馬嘶廐崇岡衝要隘星布朗弁琇仰瞻快
指類臨眺暢顧雷曲突還徙薪長勝未敢狃厚畛都督河
吳剛戰功懋廂匪之役吳毅菴提軍戰功最著棧壩雨當微古木雲膚腴
匠作繁有徒分理設佐伯外絕侵軼奸內釋腹心疾嵐瘴
淨層巒陽晶迢然呪青空撐突兀絕頂凌一僦賦材慚大
夫蘭函忻再嗅心傾高山奏顏酖春酒醕

南山詩次韓韻和唐陶山先生作

時讀三省邊防備覽書

蔡成輅

南山惟巖巖具瞻雄九同雲物一千里支派莫窮究太白

與華嶽融結會所授坤艮設地險竅缺窺天漏量腹充其
容累卵危莫覲有巉梯難升有川舟奚湊未午次綦布井
翼度絡繹濁渭繞北趨清漢貫中透東拒武關陰南接池
荷茂鳳翅張隴秦牛心卓巖岫應接吁不暇討求茫無就
異聞力士掌詭述巨鳥囑冥冥開洪濛一一吐深秀蕭蕭
創堰壩膏澤沃醇酎劉項守阻險橋棧議傾覆易別跡尚
存代蠹材難構石洞雙門高郁閣萬柱瘦飛虹落危岑矯
龍舞空山鱗鱗玉壘攢翼翼青泥鏤回旋七盤峨蜿蜒一
線袤武陽控江關興勢聯烽候揚旌鶴唳清引鵲鵬羽筵
木牛走夷庚流馬占古戍疑兵隱長岡間道穴旁竇雄藩

安固霸圖成澣澣興元勢當衝袞斜路彌綽常侍戮
軍烈日赫夏晝持雄分劇據巨陂浮泡漚銅劍石狻猊彭
劉跳猿狄伏莽茁萌孽自古屢興仆林箐易掩藏蹊徑更
僻陋往歲惑異端經堂積錢富如蟻慕羶來如域含沙走
架躡十字寬網開一面宥款客帳房張質帖田舍售朋類
相勾連兵胥暗護祐動以盟兄稱輒爲乾兒詬插棚詡安
渠打浪撥古甃錢客分黑紅長樞煽恟愁牯錐穎脫新鱗
尾蹄非舊積久蔓益滋披猖萌乃又會當蠶苗興聲吼應
湫隘一麾勞出師八載利禦寇廓清盪塵氛匄勤拯救
安良善同雛摘奸易探殼投戈胼胝劬賣劍弦歌奏掃莠

務農功闕莽通商貿遠客挾飲來羣工陳力返篠磴斯貓
頭藤嶠剪鳧脰荒蕪轉膏腴曠濶豁眩瞽其中有良田溝
渠蓄清漚其穀宜稻黍阡陌種往復蕤畦爛交錯麥隴分
左右落蘇小千囊懸瓠大如甕灼灼芙蕖舒漪漪蘭蕙臭
搗蕨儲常豐包穀利倍副便捷竄果狸出沒走竹鼬梅桃
李奈芳橘柚柑橙皺香稻鷄鵲銜奇花鹿鹿闐唼唼集鵝
羣閭閻捕蛟龍望氣金銀呈鍾華瓊瑰輳貨殖愈蕃蕪人
輕益競騷馬龍接塞指庖廩比鄰作猴柴壓擔忙獸炭封
窩炙汲綆井有丹洵牀沙盡籊隔年黠花繁過雨驗菌逗
題廿八角輪采藥長柄耨肩摩遞驅馳肯負勞販購千丁

丁字椿健夫氣亦譎夏至紙槽開摘符歡老幼道元注
願方謫諫不謬櫛比有棲糧春相燦陳恒鴻增安其居
畢久若樞嫺黨瑣綢繆鄉音轉渡豆春耕聞桑鳩夜獵
至樓節鎮羅星垣郡邑拱雲鷺襲綏唱在前興漢唱在後
繡圻界互衝魚渡廟東出團練警籌防屯堡迭相購曹椽
效匡襄生儒表領袖乘屋亟宵綸聖澤落冬符擊壤共臚
歡獻曝自陳首熙熙如享宇蓬蓬若若勿恃歲屢豐狼
藉糜積收勿謂盡高飛良弓輒弛莫勿耽樂晏安燎火慎
薪煎勿爲幻譎張終凶辨爻繇霧惟嚴夫子口碑道義如
令宰歷監司政聲宰逢邁經緯畢具陳如天之列宿駕馭

無不宜若馬之在廐洋洋化弦誦盈盈挺瑩琇偶值新秋
來苦歎舊時雷乃塵痼瘵憂或恐奸宄狙飛符星郵催
字春腎懋同聲共慰勞一言中膚腠我昨來西秦彈劍空
自角試誦退之詩率率塵心疾欲訪子房蹤恐懼山雲
响响禹甸長懸懸周原儼保艾樂只歌采菊悠然

天子壽無疆舞韶兕觥酌